

筱竹遺墨

光緒廿五年己亥正月之十二月



頗宜茨室日記三冊

溫州府

印



00224

顏宜茨室筆記

己亥

正月元日大晴熱甚早起試書

尹文禧設榭

兩兒讀書李彬臣表兄來賓

五峴山謁文昌君又

過望江橋謁竹崖公祠飲酒

刻席散赴諸舅氏家

賀年宵閱集思堂外集

初二日雨終日在齋中刪易舊歲日記宵閱春在堂全

集中曲園禱纂其夜天象極寒山有微雪

初三日陰朝赴李西垣外舅許矣梅洪子遷伍鳳樓三

表仙李笛樵太夫子陳興御表弟家賀年夕令族入赴大

宗祠與匠氏酌議改築憲宵閱齋記

初四日雨朝鄭君一山君仲室金鋪門入延署拉

賀年族兄靜山增柶匠人廷蘭來立寫批約預訂  
改築宗祠日子夕閱新齋諧是日內子生日宵初坐  
蘭房凭肩談未嫁時事至夜半

初五日雨日暫見朝磨墨刷印名片遣僕赴親友家  
道賀午刻金司務秀珏來賀年夕過玉君表弟家與姪  
氏坐談至暮宵初小睡夜起披燈閱永嘉縣志遺聞類  
初六日朝雨閱阮氏筆述李王冠表弟來賀年午刻  
西風大作雨頓息蔚藍天影一應白窗痕心喜初晴閱  
甌乘拾遺未後出門訪鄭君一山邀全去遊玩過子氏

小園

邑人相傳謂之假山

中有邱壑花木之勝池亭樓館結構幽深

其先人曾以八景名其勝一洗硯亭二泳錦池三臥瀨橋四

醉月坪五美人巖六留雲洞七聽松樓八讀易廬余偕鄭

君暨其園主幼梅篇小憩廬中地展三弓僅堪容膝階環

溪水簷壓竹松峯嵐壘翠彷彿匡廬洵為習靜之所

榜題卷石山房旁識乾隆辛丑奉谷書七字楹懸一竹節

聯云人從詩裏至鳥向畫中嘯字畫古峭真名人手蹟

時一山門弟子林慶銘亦在主人相與導引指點勝處

余喜此地幽雅約以歲年借居讀書李君幼梅額之日

晚始各別歸宵閱新齋諧

初七日晨晴旋陰偕僕登萬松山省高高祖富山公墓夕  
全族弟兆藻登集雲出省二世祖正仲公十世祖澹菴  
公曾大父石筍公誠軒公諸墓薄暮調糊泥換貼宜春  
帖子更初黃君楚臣過訪其夜雨

初八日雨晨鄭一山兄過訪遣僕邀劉建勳兄裝訂家藏  
遼史拾遺南疆繹史樂賢堂詩集卓忠毅公遺稿等書  
余亦剪紙糊裱靈壽縣志春池詩鈔古今韻略不易居詩  
鈔破幅計十二本勤動竟日腰為之酸痛薄暮看燃火盆  
紅光滿天頗有春氣邑俗謂是日為長八日家家皆設  
火盆疊松根作柴燒之火要明亮可卜一年財氣名曰

亮火盆此風相沿已久旁邑皆無亦魯人獵較之例也雁  
湖先生且甌集載有長八日火盆歌以紀其事宵初閱曲  
園先生所著右台仙館筆記

初九日晴夜刻買舟赴仙峽周鹿峯表兄家賀年小坐  
即告別轉赴丁田震軒妹丈處賀年抵其家時已卓午  
適項君小溪在吟舫中與之坐談一頃李玉君表弟亦  
至飯後往前林後李二宮觀劇薄暮返舟妹子堅留  
余辭以明晨開館始允至家已一更許是夕月色皎  
潔有暈徑二丈出門過西垣外舅家坐談至三漏  
初十日晴辰刻開館為延曙說通鑑午刻館主人設盛

饜欵余全席者中閨公子曙春二門人共四人耳冬閱  
右台仙館筆記宵初吳之屏來賀年坐談至更深而  
去閱新齊諧

十一日雨朝在館點網鑑易知錄夕閱右台仙館筆記  
薄暮袖鷹蚨一翼訪劉君菊仙遇而予之客臘同人  
為洪棟園夫子製五十壽言以此為之作屏儀也時許  
竹友洪星卿藻卿在其家作馬吊戲余立談片刻遂出  
循途訪鄭一山兄息燈坐談良久歸更深李韞齋吳之屏  
周曉秋接續過訪出瓜子餉客暢談至三鼓始去

十二日晴朝袖鷹蚨二翼過劉建勳兄家付之以前日為  
余裝訂書本作工金也起館改延曙日記說通鑑至漢  
高帝七年冬十月長樂宮成諸侯羣臣皆朝賀見注  
有東朝二字竊案高祖御長樂宮受朝賀時未央宮未  
建及八年春二月上至長安蕭何治未央宮自惠帝以後  
皆御未央而長樂為太后所居謂之東朝張孝達尚書  
勸學篇教忠第二云減東朝之上供發少府之私錢今  
稱太后為東朝蓋本於此夕黃君楚臣族兄弟兆藻  
德才真接踵過館宵有月出門過楚臣兆藻家

十三日陰朝在館點網鑑易知錄午刻中閨公子出新  
購古畫一楹聯係李石農觀察集坐位帖所書一苑卉

春貓撲蝶圖係袁琨所繪又邀余過李恒家看畫一中  
幅係董思白筆墨字畫峭勁一山水冊頁四幅係周大  
令猗山手迹秀逸絕倫洵墨寶也觀畢設一頃始回館  
閱右台仙館筆記宵初李彬臣表兄過訪談捐納事甚  
久更深余袖英蚨五翼過北藻家與之係改創大宗祠  
工費也循途訪黃楚臣遇之章珍生丈亦在暢談至夜  
半歸

十四日晴終日在館閱右台仙館筆記宵初黃楚臣  
過訪談頃即出門過於氏家更深始返調糊泥裱貼  
蒙求神童諸書鄉俗兒童初發蒙者以此二書至四鼓為二兒明後日

上館計也是夜蟾鏡如銀愛月不成寐朦朧睡去天色  
將曙

十五日晴朝在館點網鑑易知錄夕補作過李氏小園八  
景詩祇成四首時天已暮宵初西垣外舅折柬來招飲  
席散辭別赴陶尖廟觀劇至三鼓歸

十六日雨晨刻送柁檣兩兒上館謁師已刻赴館閱漢書  
蒙拾考證篋輿二字本史記張耳陳餘傳上使泄公持節  
往問之篋輿前注韋昭曰如今輿床人輿以行師古曰篋輿  
者編竹木以為輿形如今之會輿高時行榜笞刺剝委困  
故以篋輿處之索隱曰服虔云編竹木如今峻可以盡除

也何休注公羊傳文十五年齊人歸公孫敖之喪質物而歸之筍將而來也筍音峻筍者竹篾一名編與齊魯以北名之曰筍正韻筍音峻竹與也郭璞三蒼注云篾舉土器音鞭故特錄之以備參攷夕續作八景詩四首宵初遂族兄弟北藻來設至二鼓而去

十七日雨朝在館覆改八景詩又得七言一絕結二句云為折梅枝清供養一瓶秋水讀南華夕家僕報震軒妹丈來賀年即假館歸全蘊齋芸苓諸中表暢設半日宵初全震軒妹丈芸苓表弟赴陶尖廟觀劇演玉蜻蜓一齣

十八日晨霽天氣頗燥與震軒妹丈坐書齋論詩良久近午玉君表弟遣僕來招軒况飲酒余亦陪席申刻席散余與芸苓冒雨赴陶尖廟觀劇軒况不去宵初雨鶴坡舅氏來招飲席散軒况獨歸余又與芸苓去觀劇迨散場歸家時交四鼓

十九日雨朝震軒妹丈索觀家藏名人詩箋即出觀之午前丁田舟子來接家慈金司務秀珏來訪留飯未刻震軒妹丈隨慈母赴丁田余送至河干而返余君松舫張君翼臣訪震軒余答以既歸談半頃即辭別補訂貫道堂文集古今韻畧共七本黃楚臣項篆仙

二君接踵過舍薄暮而去宵初倦眠三鼓睡覺起坐別  
燈閱承德府志草本維時電光穿牖雷聲轟然中心  
戰慄不已又閱一時許始息燈就寢

二十日陰雨朝在館林老芳過館說收錢糧事良久乃  
去閱右台仙館筆記夕為枏榭二兒寫識字簿宵初劉  
建勳兄冒雨送還水道提綱梅雪堂詩集桃谿雪帝女花  
傳奇尚書攷辨弟子職注共十六冊以前日托伊裝訂也坐  
談家務良久而去復攜去那文毅公奏議四十八冊鳳巢仙  
館詩集四冊邀其重為裁訂閱靈壽縣志其夜四鼓雨止  
廿一日晴巳刻赴館黃君楚臣過訪午餐後閱曲園先生

所換牙牌數一卷其中開算之數余竟茫然時門人延曙  
暨其尊人中閩公子在旁指點并出牙牌以陳之始稍  
覺悟未申二刻閱右台仙館筆記宵閱春在堂詩編

廿二日晴晨洪子遷表伯過舍說前日收錢糧瑣事良久  
始去巳刻赴館騰舊臘赴道府二憲控告盜葬呈詞午  
後為延曙檢視殘缺書本貽我以鄭緝之永嘉郡記培  
遠堂手札節存共四冊中閩公子出其家君止園先生所  
題陶峯寺一淨和尚六十一像七古詩

附錄

貞白真人舊

游處嶺上白雲如白羽禪師胸中水鏡清開堂來作名  
山主也知聲效生風雷坐使榛荆化庭宇不須洗耳聽



松風自有摩尼在掌中。宵田東升伯黃楚臣來坐談甚  
久。構呈詞為惡。但私斫蔭木。明日向縣主控訴故也。

廿三日陰朝在館。膳改夜間所構呈詞。邊黃君楚臣代抄  
投遞。夕閱茶香室三鈔。近暮洪棟園夫子過館。袖來適園  
記一通。余展而讀之。愛不釋手。其中鋪叙曲折。皆近虞初新  
志筆墨。蜃樓海市幻境。皆真。蓋先生寓意以成之也。李笛樵  
太夫子有數絕句題諸首談頃。乃去宵閱新齊諧。

廿四日陰朝閱遠史拾遺。午餐後族中兄弟邀余。全上集  
雲山閱視。以前日勘定山界。倩山人築壇以限之也。時山  
高徑仄。足力頗弱。不勝傾跌。迨歸家已上燈時候。宵初倦甚。早

眠夜半。睡覺起閱新聞報。

廿五日朝陰晚雨在館。錄洪棟園夫子所著適園記。宵  
閱新聞報。

廿六日卯刻起。全族兄弟靜山增柵。輩至大宗祠拈香。督  
匠人運斤規削棟木。以是月初吉為改築興工也。已刻赴館  
午後。暫雨即霽。錄適園記眉批。又校點一過。王竹君詰來宵  
讀十八家詩鈔。陸游七律詩。是日為先君忌日。

廿七日陰朝雨旋止。在館為延春韻。蔥抄律詩。夕抄止庵  
先生所記有元名勝謚號錄。洪棟園夫子頌篆仙來薄暮  
過葉壽如大家宵初訪族弟兆藻。不遇。過玉君表第家黃

楚臣來閱茶香室三鈔

廿八日晴終日在館錄宋諸帝誕日節名攷先哲生卒攷略黃楚臣來宵過玉君表弟家與姪氏坐談極久

廿九日晨陰午雨旋霽在館補錄先哲生卒攷略洪曉普項篆仙黃楚臣接踵過訪閱茶香室三鈔宵初全靜山兄兆藻弟訪劉味之先生以創建宗祠吉日托為覆選也先生言先君精六壬術與彼最相契又與余談遁甲奇門之事甚詳漏二下歸書祭文昌君壽誕祝文夜半有雨三十日陰在館朝寫祭文昌君頌胙肉條午餐後出門訪鄭一山不值歸館閱茶香室三鈔宵初又訪一山始

遇之鄭緝夫

駿聲

亦至共約明日考中東甄別送卷事

二月一日晴在館閱癸巳直墨午後臨高貞碑大字一開

閱茶香室三鈔宵初和衣早睡夜半聞啄剝聲驚醒即提燈啓戶而觀始知鄭沛豐

綺蠻

姻文送到中東甄別題

目并課卷生河海之於行潦類也聖人之於民亦類也童今

國家閒暇及是時

詩題

中和節進農書

得唐字

童二分春

色到花朝

得分字

以限期大促即下筆結構至天曙脫稿

初二日晴朝作試帖詩并抄文一通即送一山處寄郡文

繳午後赴館錄玉甌山房贖稟宵初以財神誕日余家

設饌祀之此亦迎富之遺意也其夜五鼓官僚公祭文

梅仙

昌君余家董其事鳳樓表伯暨楚臣代行料理身子  
困倦和衣側睡至天明

初三日大晴在館午餐後全仲愷季芑日比季暨門人  
延曙遊頤園與中容先生戴瀛仙葉耕經坐辛夷花  
下清譚良久回館錄舊作古今體詩臨高貞碑大字一  
開是日以梓潼帝君誕日余家設主供奉燃香燭叩祝  
初四日大晴日淡紅色天氣頗燥在館閱茶香室三鈔午  
刻偕葉蘭垞門人季芑至棟園夫子家飲壽酒以夫子  
五旬大慶同門製壽言為祝嘏也席散日已晡矣補  
釘奉賢縣志共四冊宵初鄭一山來索觀家藏名人

手札夜雨敲檐作響丁丁即徬徨辭去

初五日雨在館抄宋賢里居字諡錄臨大字一開午刻  
僕報震軒妹丈駕舟送老母歸即假館回家午餐後  
偕軒兄至諸舅氏處問安向晚返權宵閱茶香室三鈔  
是日開夜課館亥刻有雨

初六日大晴在館補抄齋息園少宗伯水道提綱卷首序  
臨大字二開改季芑舊冬日記宵閱茶香室三鈔

初七日大晴在館補抄水道提綱缺幅并錄 欽定四庫  
提要序出呂后論題宵閱茶香室三鈔

初八日大晴在館閱新聞報浙江學政唐春卿宗師以

前茂成浙江學政屢換者計  
六人首姚元之侍郎場規酷嚴  
次廖鴻荃侍郎福建侯官人  
府學題樂節禮樂一名金玉埤  
瑞學題人而不仁如禮何一名周  
國琛次李國杞侍讀安徽和  
縣人以賊敗次李芝昌詹事  
常州江陰縣人壬寅廷試第三  
人府學題任慕君一名許登  
輝瑞學題曰得其所哉二句  
一名陸羽儀餘二人姓氏職官  
里居均忘之矣蔡書城先生  
云

丁內艱即日卸篆回籍奉  
諭旨遣兵部右侍郎文治接  
任前輩先生云前茂成浙省學政屢放屢換計共六人今  
復逢茂之年首徐壽衡樹銘相國以老耄辭

繼之  
又繼之次春卿侍郎終以文少司馬

叔平計數有五何值此歲竟不利於文衡若斯也因筆之  
以記異臨高貞碑大字三開明晨丁祭是夕習兩門人  
季芄延曙延春叔侄至孔廟觀諸僧生習樂習舞不  
到館宵月色甚佳為春蔥二門人抄律詩

初九日大晴在館終日寫仲春祭文帝頌昨票薄暮  
蔡書城先生來晤談間論及曾大父手藏古帖一冊末

附以阮文達公跋語又圖章一為士為農四字係趙之

琛次開先生手刊字畫古勁洵堪珍玩為固社吳君

肇鈞所得其祖號鳳梧其尊人號桂華亦世習儒者  
也余聞之中心頗羨自憾年來為館事所羈不獲出

門採訪遺物乞還無聊之極然未知後日可能完璧歸  
趙否耶宵閱茶香室三鈔

初十日雨在館閱史記呂后本紀臨高貞碑大字二開改  
延曙呂后論項篆仙來宵閱崇百藥齋續集書仲春

祭梓潼帝君文

十一日雨在館點網鑑易知錄臨高貞碑大字二開

蔡書城先生來宵挑燈欲下筆構玉尺官課文茫無頭緒  
即就枕而眠生題子謂衛公子荆三章童題穀不可勝食

也至與魚鼈不可勝食詩題田間笑語催蠶耕得耕字  
童

捷耕躬稼角挂經得經字

十一日朝雨夕霽在館觀徐季和致祥宗師校士錄作玉

尺官課文至晚始成半篇宵有月與震軒妹丈坐談

十三日晴在館續作玉尺文後二比震軒妹丈過館宵有

月作試帖詩

十四日早起膳昨夕所作玉尺官課首藝文倩震軒妹丈

改削近午族兄弟靜山北藻邊余上九坦山閱視松木中

途遇雨衣裳濕透恨無雨具苦不堪言踉蹌而歸抄官

課文傍晚雨霽夕陽照樹天開圖畫足豁雙眸震軒

返舟宵困倦早眠

十五日大晴在館構玉尺官課次篇文并抄傍晚交繳其

夜月白如銀閱經史百家雜鈔

十六日大晴在館代耕經作試帖詩習高貞碑大字二開

為李玉君表弟作聯語送潘家有云有倉鵲遺書藥餌無

靈空束手唱別離一曲故人永訣為傷春宵月色頗佳過

劉建勳家酌前日裝釘書本工價

十七日大晴在館點網鑑易知錄抄宋賢里居字諡錄

臨大字二開宵初薛君席儒定三來招飲三鼓席散歸  
薛君習武膂力過人弓馬熟嫻與余為癸未同歲戊子應  
武科舉第六是日移居姜增家故為設宴

十八日大晴在館抄浮沚先生年譜攷略黃楚臣來臨大  
字二開宵閱那文毅公奏議是日延曙以腹痛不到館  
十九日朝霧西垣外舅還余至南門裕昌魚行議分夥事  
午後西北風大起少雨天氣頗寒督銅匠鉸鏈書箱洋鎖  
薄暮訪鄭一山中途遇雨衣裳盡濕宵過西垣岳丈家其  
夜天降米雪身擁衾裯冷如撥水

二十日大晴在館抄長齋先生節略臨高貞碑大字二開時

憲明几硯臨穎欣然閱賦學正鵠宵過西垣外舅家

廿一日大晴在館點網鑑易知錄閱賦學正鵠項篆仙來宵  
閱舊作律賦

廿二日晴在館閱賦學正鵠臨高貞碑大字二開宵閱圖  
繪寶鑑

廿三日朝陰在館閱永嘉縣志金石類且園賡唱集  
午後作道憲肄經堂甄別賦生題且園以高公以自號名  
之為韻詩題自琢春詞剪燭看得看字童題畫出清明

二月天以題字為韻詩題燕子無人自入簾得簾字申刻

大雨晦冥祇作一序停筆宵作生童賦各一試帖詩

二達旦不眠

廿四日寒食節雨朝復作賦第三篇斯時自覺鼓衰力竭矣均倩一山兄抄就即時遣人送郡交繳午後赴館臨高貞碑大字二開宵擁衾早眠

廿五日陰清明節朝王賡廷來索觀余近作中東玉尺兩書院文夕備祭禮偕族兄弟登九坦山謁二世祖先曾祖墓更初招仝族伯亦享餼其夜雨聞雷

廿六日雨終日在家補釘宋詩鈔內自訟齋檇亭詩集西垣外舅過舍邀余共議魚行虧本事

廿七日陰雨朝在岳丈家議城南魚行事午刻至項鶴庚家

飲福首酒申刻張肖維來傍晚訪鄭一山遇之

廿八日陰雨終日在岳丈家議城南魚行事始知此中曲折皆由黃鏡湖萬清播弄所致心甚恨之鏡湖前為溫

府遊擊以賊敗革職工於逢迎取悅亦穿窬小人一流也廿九日陰日暫見朝過李兆藻家收取結銀款午後至小沙堤觀劇門人季芹邀余至其家設坐同觀更初全葉生耕經訪孫中愷公子說城南魚行事

三月朔日陰朝在岳丈家午後偕西垣岳丈暨葉中宣丈謁中容先生祈為向王後木前輩處說情先生寫一函邀余去不遇而返申刻至宗祠看匠氏運鉅量度棟桷廣

狹尺寸宵閱梅村詩

初二日大晴朝借岳丈至王穀農稼公子家說魚行事不允  
夕在葉仲宣丈家與戴瀛仙酌議極久宵在岳丈家  
初三日陰日暫見先祖母生辰朝書亥日祭先農文午後  
門人延曙來邀內書室觀家藏墨榻良久辭去鄭一山踵  
至相與出東郭遊玩日向莫濛濛細雨各別歸宵閱佩  
文齋廣羣芳譜此數日以清明佳節迎城隍神不到館  
初四日朝陰晡晴在館閱茶香室三鈔臨大字二開宵  
閱褚河南同州聖教序拓本其夜五鼓有雨達旦  
初五日朝雨夕晴在館錄近作肄經堂甄別賦宵在岳丈

家論魚行事極久

初六日大晴朝在館閱茶香室三鈔午刻假館歸適張  
震軒妹丈自丁田來是宵城隍神回宮全軒兄挈甥女  
兒輩在大街金文興帽鋪看迎燈至二鼓

初七日大晴朝與震軒談詩半日夕族中人伯輿輩邀  
余出東郭過匠人廷蘭家規削棟木為之一督震軒亦相  
與步行歸丁田宵訪鄭一山全至禮房處領官課卷

初八日朝晴在館閱茶香室三鈔晡雨聞雷為韻蔥抄  
七絕詩

初九日陰閱茶香室三鈔宵過族弟北藻家議築建宗祠



事是日在館余近日精神恍惚飲食少減都由作文太多失  
養之故

初十日陰終日在館作聚星書院四書文申刻完篇嫌未合拍  
輒棄去宵閱羣芳譜其夜五鼓有雨

十一日晨雨旋陰穀雨節閱茶香室三鈔并去題文府宵  
初訪鄭一山坐談良久逕歸是日在館

十二日陰雨終日在館作玉尺官課文生題子之武城二節詩  
題豐年玉得豐字童題天下歸殷久矣至武可詩題桃花潭

水深三尺得字宵過族弟北藻家說築宗祠事  
十三日大晴朝在館作玉尺官課文夕以宗祠改築不暇到

館族叔祖星柎來宵作中東書院府課文至四鼓草草完  
篇生題有楚大夫於此至使齊人傳之童題一齊人傳之詩

題研揣聲音得詩字時窗前薔薇盛開花月相映頗饒  
幽趣

十四日朝晴夕雨在館復改夜間所作中東書院府課文前  
二段全竄作試帖詩并抄宵友樵內弟來談文至三鼓

十五日雨終日在館抄玉尺官課文以舛謬太多故棄之  
宵初在族弟北藻家招諸伯未議事刻因族蠹振三橫

行狂悖欲同人挫辱之以少折其鋒也

十六日晴早起補抄玉尺官課文以精神困憊不赴館出門

遊玩終日宵初在族弟北藻家全伯叔輩說振三事極久  
十七日大晴在館閱洪棟園夫子翰墨因緣錄習大字二  
開搆呈詞因差役貪賄匿票不辦故作詞以控之宵飲  
酒微醉倚枕睡去夜半始起開窗一望月色如銀小步  
中庭但見薔薇花落滿地叢鋪掩映幾疑積雪靜立  
久之始掩戶而眠漏已五下

十八日大晴在館抄控差役呈詞習高貞碑大字二開  
宵閱鳳巢仙館詩文集

十九日朝微雨即止在館閱湖北鄉墨夕晴作中東師  
課文至暮脫稿題什一去關市之征今茲未能詩題李將

軍南山射虎

得山字

宵復加改竄四鼓始寢

二十日大晴在館抄中東書院師課文作試帖詩改延曙  
詩其原本觀棋云黑白枰間布縱橫壁上觀興亡都一着  
休作等閒者看畫云山水毫芒內風雲咫尺時蛟龍雖  
繪畫際會豈無期此生年未弱冠而得此超凡之筆洵  
可畏也故特記之宵過西垣外舅家

廿一日朝雨在館閱春在堂詩編夕霽臨高貞碑大  
字二開宵過族叔祖成良家說族蟲振三事極久  
廿二日大晴朝在館題適園記後祇成二絕午飯後邀陶  
山鄭雲峯先生乘小舟出北郭至河埭橋舍舟步行登九

坦山定先祖父母吉壤方向己亥兼乾癸茲歲坐煞不利卜  
葬與昔年先府君所定之位乾癸兼戌辰竟成反背姑為  
聽之而已日向晚返權而歸先生年八十有六好黃老術  
鬢鬚鬚皆白精神矍鑠行步如飛殆有夙根者耶宵過  
族弟毓欽家

廿三日大晴在館閱十八家詩鈔臨高貞碑大字二開續  
成題後詩四絕句洪棟園夫子過館宵令族人在竹崖公  
祠談族蠹事極久

廿四日大晴朝過族弟兆藻家談興築宗祠事極久夕  
赴館閱適園記宵早眠

廿五日大晴在館閱盛世危言臨高貞碑大字二開點綱  
鑑易知錄薄暮張肖維周曉秋過訪宵閱增補事類統編  
廿六日陰終日在館作肄經堂府課賦題先立夏三日天子  
迎夏於南郊以招搖指己盛德在火為韻繭稅說試帖題  
五帝會諸仙人于紫薇宮得宮字擬徐璣孟夏遊謝公巖五律  
二首用原韻薄暮完篇震軒妹丈來宵閱十三經注疏禮  
記集解皇朝五經彙解

廿七日雨立夏節在館作試帖詩二首擬詩二首補抄李  
忠定公集缺幅宵余松舫金秀珏來全震軒妹丈坐  
談至二漏

廿八日朝陰集同人登西峴山公祭倉頡聖帝午刻飲餞  
餘酒席散震軒妹丈乘舟冒雨歸丁田宵過族弟北藻  
家坐談極久

廿九日雨晨刻偕北藻請大宗祠始祖神主暫置竹崖  
公祠已刻赴館錄舊作四書文臨大字二開宵倦眠

三十日朝陰在館閱春在堂隨筆夕霽臨高貞碑大字  
二開宵在北藻家談錢欵事

四月初一日大晴在館改延曙攻乎異端論臨高貞碑大  
字二開閱春在堂隨筆宵訪鄭一山遇之

初二日晴朝在館校點綱鑑易知錄夕閱大題文府宵閱

湯海秋稿

初三日晴日有暈終日在館作中東書院縣課文四書  
題萬鍾則不辨禮義而受之萬鍾於我何加焉薄暮  
脫稿宵李韞齋表兄來

初四日晴終日全族弟毓欵在大宗祠中課督工人拆  
卸舊棟抄縣課文并試帖詩薄暮寄郡宵倦早眠  
是日聞黃楚臣患時疫歿故其人平日篤于友誼性  
盡愚戇忽櫻奇疾遽爾以沒胡天之不佑善人如斯也  
中心耿耿者不已

初五日晴終日在大宗祠中督工以是日吉倩石工定大

堂礫礎故也薄暮與族兄靜山反脣因伊假公濟私狡  
馬思逞余甚不平然橫逆之加其何以免宵項篆仙借  
毓欽來慰勸寫雪祭祝文并頌昨票

初六日乍陰乍雨晨往張桂生家送葬夕赴館閱惜陰  
書院西齋課賦宵李芸苓表弟來

初七日陰雨晨往周子敬丈家為姻母萬孺人送葬夕  
赴館作經古書院官課賦題目東方朔上書自言誦四  
十四萬言以遠心曠度瞻智宏材為韻構思頗苦祇成一  
段宵作經古賦脫稿時曙色射窗意嫌不佳即拉碎之  
自恨一番心力之徒費也

初八日雨是晨周子敬丈為吳萬二孺人迎主反耐余以  
親戚故往迎之午後往劉鍾福家送葬歸閱師竹齋賦  
鈔宵倦早眠

初九日雨終日在館改作經古書院官課賦宵閱日知錄  
格致書院課藝

初十日雨日暫見在館終日作錢法策問一道宵作永  
縣肄經堂賦題目四月八日五香水浴佛以龍華之會浴  
佛之期為韻至天曙祇成一段

十一日雨朝在館足成昨宵縣課賦計二段又試帖詩一  
首題霽色清和日已長得和字邊一山兄抄繳夕改騰

前日所作策問宵閱惜陰書院西齋課賦

十二日朝陰以仲妹許字趙家是日行紉采禮檢點半日夕霽赴館作經古書院童賦題目異書渾似借荊州賦以題為韻薄暮脫稿宵月色甚佳困倦早眠

十三日朝陰夕雨在館改延曙論作梅雨潭觀瀑歌一章試帖詩二宵鄭一山來

十四日大雨滂沱朝在館考定大宗祠祖先各神主倩館東中闔公子填諱夕項篆仙來為韻蔥抄絕句詩宵過壽恒族亦家

十五日陰雨在館終日閱濟南大宗世系族譜臨高貞碑

大字二開改延曙宵課論宵全震軒妹丈論文至夜半十六日朝晴書請胡雪帆先生襄贊并各房長護奉神主紅帖夕與震軒妹丈談論薄暮返舟宵月色皎潔邀鄭一山兄寫新建宗祠楹帖

十七日晴卯刻赴大宗祠以是晨新祠豎柱故也午刻全眾人飲酒被醉沉眠至薄暮始醒東北風極大宵過族弟毓欽家

十八日雨在館點綱鑑易知錄抄陳文節公年譜臨高貞碑大字二開錄林氏宗譜宵倦甚早眠

十九日大雨在館點綱鑑易知錄臨高貞碑大字一開抄

陳文節公年譜作入祠奉安神主祝文宵邀鄭君一山填  
寫配享各祖先神主至四鼓

二十日朝陰抄中東書院課舊作文夕往宗祠與項  
篆仙坐談宵初大雨如注作祭樑祭土地并門神祝文

廿一日雨卯刻新祠上梁請許竹友孝廉孫中闔公子來  
攀抱梁棟邀胡雪帆先生鄭一山明經來陪客辰刻全族  
人奉祖先神主入祠午刻設席請匠人并族中諸伯亦宵  
設宴請許孫二君雪帆先生一山兄祖芬亦毓卿余為之執  
壺勸酒

廿二日陰在館朝改延曙五古詩午後出門邀李芸苓面

議與王玉卿約立合同執據蓋為祖遺禮房缺分托玉  
卿代接奉公也申後赴館抄延春韻蕙五律詩宵過族  
亦祖成良家

廿三日陰在館項篆仙來校東甌大事記此書係止庵  
先生所編錄也臨高貞碑大字一開宵閱蘇文忠公詩  
廿四日雨朝在館校東甌大事記項篆仙來夕錄舊作  
四書文宵倦早眠

廿五日雨朝在館閱賦海天觀夕閱春在堂隨筆宵  
閱宋詩鈔

廿六日大晴朝閱吳梅村詩稿夕偕項篆仙過池仲鱗

此張肖維咳二君書館與項莫軒尉臣鴻書廷驛說結

銀事順路往長春道院一遊時館東孫仲愷公子為嫡母

葉太淑人作冥壽招浮屠民拜懺梵唄之聲不絕于耳

洪棟園夫子亦至立觀久之始別宵閱味閒堂賦鈔

廿七日大晴朝往鮑沛森先生家送殯震軒妹丈自丁

田來留午飯夕赴館臨高貞碑大字一開抄文節公年

譜宵被酒醉眠

廿八日大晴芒種節在館作美人風箏七言二律臨高貞

碑大字一開改延曙勸耕歌七古宵過章珍生丈家一談

廿九日陰雨在館作題張母薛孺人行述後五古臨高貞

碑大字一開閱春在堂隨筆宵倦早眠

五月朔日朝雨往章珍生丈家吊祭林太孺人赴館

習大字一開夕霽閱春在堂隨筆宵往章子貞家飲祭

七酒在席蔣子樂文姜舜璿方曉畦鮑蓉圃友樵內弟

初二日微晴在館作明妃墓楊妃墓七言二律臨高貞

碑大字一開抄陳文節公年譜項篆仙來宵閱春在

堂隨筆

初三日晴終日出門收取舊歲結銀款

初四日陰雨朝出門收取舊冬冊結錢款夕在家料

理賬務宵過族弟毓欽家



初五日晴端陽節朝在家書雄黃字午後攜甥女秀蓮柎樽兩兒往錦湖觀競渡宵族弟毓卿來招飲初六日晴朝過族弟毓欽家夕買舟往丁田申刻抵岸時震軒妹丈有事往巖下故不遇宵與妹子坐西書室談論至二鼓

初七日晴在丁田晨刻震軒妹丈自巖下歸午後張君星階拱辰來與軒兄坐西書室閒譚余心倦倚枕而眠至暮始覺宵與妹子坐談軒兄有事乘夜買舟訪李漱梅初八日巳刻買舟冒雨自丁田歸即赴館為延春韻蕙抄古詩習大字一開閱宋史薄暮訪王玉卿不遇過族弟

毓欽家坐談至二鼓家僕送篝燈來乃歸

初九日陰雨日暫見在館閱角山樓類腋得月樓賦鈔宵倦眠是日聞黃通政抱河魚之疾遽歸道山惜哉

初十日大雨滂沱在館作經古師課賦題鐵漢樓以可謂毅然大丈夫矣為押脚宵邊鄭一山來閱經古官課卷書祭關帝誕辰祝文

十一日陰雨天氣頗熱在館作經古師課賦鄭一山來薄暮聞雷虹見宵倦眠夜半始起足成課賦收束一段

十二日晴旋陰臨高貞碑大字一開抄近作詩薄暮訪

洪棟園師不過過一山兄處坐月下暢談月有暈

十三日大晴早晨袖近作古今體詩訪洪棟園夫子坐花信樓論詩極久已刻赴館作玉尺官課文宵李雲林表弟來月有暈

十四日大晴終日在館作玉尺官課文是日午刻震軒妹丈自丁田來宵全坐月下縱談至三鼓蚊子攢膚不堪其擾十五日晴夏至節朝與震軒妹丈坐論并出官課文一閱謂此文作法完密余微哂之作試帖詩一首題竹粉有新意得新字午後軒兄攜甥女歸余附舟至城隍廟拜謁宵鄭一山兄來代余抄官課卷月有暈

十六日晴在館習高貞碑大字一開是夕戌亥二時月會過鶴坡舅氏家坐談極久

十七日大晴天氣頗熱在館宵過鄭一山家坐談良久歸路過項篆仙余味蘭王建夫坐木林東興漆鋪傾談至二鼓

十八日大晴終日在館覆改經古書院師課賦宵初訪鄭一山遇之周鹿峯表兄李雲林表弟過舍露坐傾譚至二鼓

十九日大晴在館讀十八家詩鈔杜甫七律張震軒妹丈來閱新聞報中記及前月廿二日閩省廈門天雨

沾人衣殷殷作胭脂色古史策紀天雨血殆即是歟噫  
上天示變此地將罹兵刃之災矣臨高貞碑大字一開  
薄暮軒兄返舟不及送別是日為金危危日作祭詩  
古風一章以紀之

二十日大晴在館作擬杜少陵諸將五首用原韻臨  
高貞碑大字一開宵倦眠

廿一日大晴在館膳師課賦臨高貞碑大字一開宵困  
倦殆甚伏枕早眠其夜五鼓有雨

廿二日晨雨旋霽在館抄陳文節公年譜習高貞碑大字  
一開始聞蟬聲宵倦眠是日感寒氣腹痛患瀉嚼楊梅三

百餘顆始愈髯翁詩云日啖荔枝三百顆亦可與坡老抗  
衡也洪棟園夫子頌篆仙過館

廿三日大晴在館校閱温州史事叢鈔此書係止園老人  
所手輯也習高貞碑大字二開宵訪鄭一山不值

廿四日早晨微雨旋霽抄陳文節公年譜閱繪圖三公  
奇案宵閱一片石第二碑傳奇中叙前明婁妃事最  
詳此書係蔣清容士銓先生所填本也是日在館

廿五日大晴早晨鄭一山來言王賡廷染疫歿故余聞  
之歎曰同譜友中又弱一个矣為之傷感不已赴館閱繪  
圖三公奇案臨高貞碑大字二開宵倦眠

廿六日大晴在館閱袁子凡先生綱鑑補宋史王安石傳項篆仙來宵倦眠

廿七日大晴在館作商鞅五安石合論臨高貞碑大字一開宵露坐乘涼

廿八日大晴在館作盜葬呈詞并抄以是日告期叩轅投遞故也宵閱得月樓賦鈔

廿九日大晴天氣炎熱在館復改前日所作師課賦申刻聞雷宵大雨抄師課賦

三十日小暑節朝雨夕晴在館抄師課論并試帖詩一擬杜詩五臨高貞碑大字二開宵閱新聞報

六月朔日大晴在館閱繪圖二公奇案臨高貞碑大字一開申刻全中愷季芑二昆季葉蘭垞出南門至莊濟廟看老榮陞班演劇過義記魚行何君子華邀入其地枕飛雲江邊當風而坐潮聲山色頗暢襟懷坐談久之天暝始辭別宵訪鄭一山遇之談論至二鼓初二日晴在館閱南巡盛典改延曙緹縈上書代父論申刻聞雷大風疎雨即止臨高貞碑大字一開宵偕李雲林表弟至天后宮看老榮陞班演劇初三日大晴天氣極熱校閱東甌史事叢鈔臨高貞碑大字一開宵全李雲林表弟至天后宮看老榮陞班

演劇至三鼓歸

初四日晴身子困倦不赴館補釘宋詩鈔殘本午後張震軒妹丈來談論半日薄暮返舟宵伍鳳樓表伯李雲林表弟來

初五日大晴在館抄陳文節公年譜閱翼駟禪編校溫州史事叢鈔宵過鄭一山家一問以其子閱樽近日微患暑熱也

初六日大晴晨虹見遷穉菊表弟過一山家為其子閱樽一診以感暑氣甚輕投青蒿鼈甲川貝等藥已刻赴館抄陳文節公年譜臨高貞碑大字二開釘葉蘭垞所贈唐

詩歸殘本以中間多鍾伯敬譚友夏二先生圈點評選頗有可觀故釘而存之閱春在堂隨筆申刻有野人網得海龜來售者體圓如盆前二足若瓣形後足畧小以水沃之其行矯健迥異常龜館東視此物甚大出錢購來研硃書數字於其背倩人放之於江余因作放龜行以紀其事其夜有雨  
初七日朝雨在館抄陳文節公年譜午晴飯後過余君松舫館一譚未刻回館臨高貞碑大字一開閱格致鏡原宵早眠

初八日大晴在館抄陳文節公年譜臨高貞碑大字一開宵訪李雲林表弟

初九日大晴曝書宵夢事甚奇中心驚顛起坐達旦  
初十日大晴曝書申後柳君琴山袖金陵局本三國史  
來售余以大小番餅共八枚付之宵訪鄭一山遇之  
十一日晴曝書午後聞雷少雨宵苦熱訪余松舫特  
周曉秋亦來共坐談至二鼓閱魏志

十二日晨虹見少雨旋霽在館抄陳文節公年譜午  
後聞雷少雨即晴臨高貞碑大字二開寫函寄汀川  
震軒妹丈宵過族弟毓卿家談頃轉訪鄭一山露坐月  
下傾譚更深始歸閱春在臺隨筆是夜西北風極大  
十三日陰雨西風大起在館抄陳文節公年譜臨高貞  
碑大字一開宵閱三國史魏志連日炎歎逼人忽逢驟  
雨竹簟涼生頗有二秋爽氣快甚快甚

十四日初伏陰雨日暫見在館閱崇百藥齋文集改延  
曙蕉雨松風五言二律臨高貞碑大字二開宵有風閱  
新聞報

十五日大晴已刻震軒妹丈自丁田來閱新聞報午刻  
在西垣岳丈家嘗新薄暮虹見宵初自家嘗新在座  
者伍鳳樓表伯震軒彬臣韞齋玉君穉菊諸中表周  
元來如弟併余共八人席散鄭君一山來與軒兄坐月  
下暢談至三鼓是夜西南風極大

十六日大晴以昨夕飲食過多腹痛患瀉不赴館倚枕  
看知新報六士傳薄暮震軒妹丈返舟宵初月色如銀  
強步出門以解悶徙聞一山兄之祖母於是日午刻壽終  
故順路至其家一唁太孺人年屆九旬素常健飯無疾  
而終洵足異也

十七日大晴在館閱西堂雜俎二集袁文箋正臨高貞  
碑大字一開宵在鶴坡舅氏家飲試新酒席散與舅氏  
瀛琳表弟坐月下傾談至三鼓

十八日大晴在館作飲錢飲湯小啓為亡友王賡廷撫孤  
養贍計也閱小東山草堂駢體文臨高貞碑大字一開

申刻遣僕袖所作小啓呈削為增易十餘字付還薄暮  
訪章味三遇之便中論及啓詞有數處意未熨貼囑余  
再加改易領之談頃歸宵器繡像續小五義

十九日晴晨復袖昨夕所作小啓訪棟園夫子為之易  
十數字赴館抄陳文節公年譜以止庵先生編次較前  
本尤詳晰也故復錄之臨高貞碑大字二開點經史百  
家雜鈔宵過鄭一山家其子閱樽患暑熱特為一問  
章味三來付還助飲小啓原草改易三四聯刪竄十餘  
句較底藁尤勝又感良朋切磋之益不可忘也露坐月  
下譚良久始去

二十日晴晨偕李祥菊表弟過一山家為閱樽一診  
謂感暑大重須和劑藥以治之下金石斛湖丹皮骨皮  
露等味赴館抄陳文節公年譜臨高貞碑大字一開點  
經史百家雜鈔申後聞雷下三兩點雨止薄暮試浴極  
爽快宵訪章味三論文至三鼓歸其夜月暈極大  
廿一日陰日暫見晨偕祥菊過一山家為其子一診謂身  
熱已退可疏胃氣下旋覆苳綠柿蒂大力子等味在館  
抄陳文節公年譜臨高貞碑大字一開點經史百家雜  
鈔薄暮聞雷宵初疎雨天色涼甚挑燈閱新聞報  
廿二日大晴晨偕祥菊表弟過一山家為閱樽一診下

薏仁竹茹等藥在館抄陳文節公年譜臨高貞碑  
大字一開點經史百家雜鈔薄暮訪林和未宵聞雷  
疎雨閱續小五義傳

廿三日大晴晨偕祥菊表弟過一山家為義兒閱樽一  
診須以健脾下北沙參冬柿蒂等味赴館抄陳文節  
公年譜臨高貞碑大字二開點經史百家雜鈔申後  
聞雷無雨宵李子琳表弟邀余飲薦新酒在座丁肖  
松前輩吳漱石潘雨臣席散坐談極久

廿四日晴中伏荷花生日在館作學淵書院課藝臨高  
貞碑大字二開薄暮雷雨宵苦熱倦眠



廿五日晴天氣頗熱在館作學淵書院課藝宵作試帖  
詩抄四書文

廿六日未刻少雨即霽在館作策問未就是日東家卓  
午薦新邀余就席在坐葉壽如洪小湘周樹澗中愷李  
芄昆仲門人延曙也宵季芄家嘗新邀飯却之宵雷雨  
作策問至四鼓始脫橐

廿七日朝在館抄策問午刻歸家就浴聞雷驟雨即止  
至李玉君表弟家試新在席王君夔拊鮑君沛森蘊  
齋雲林穉菊諸昆仲席散過王甫臣丈家一譚有事至  
縣署與程君星帆相遇宵苦熱當風而眠

廿八日晴在館抄陳文節公年譜臨高貞碑大字二開  
點經史百家雜鈔宵閱續七五義傳

廿九日大風日暫見朝在館抄陳文節公年譜夕在  
家補釘宋詩鈔更初大雨傾盤過玉君表弟家冒雨  
而歸

七月朔日大風驟雨朝訪鄭一山遇雨歸夕補釘青  
叩詩集宵讀青叩詩其夜聞雷風止

初二日朝雨在館抄陳文節公年譜夕晴臨高貞  
碑大字一開點經史百家雜鈔宵伍鳳樓表伯過訪  
初三日晴終日在館作道課文宵作後二比并試帖詩

四鼓始寐是日立秋

初四日大晴早起抄道課文一篇畢即束裝赴鄉收租時潮候已過至江頭而渡船早篙潮西上矣不及遂歸曝書宵初就浴當風而眠

初五日晴朝全族弟毓卿乘渡船過桐乾鄉坐船中熱悶不堪午刻抵岸夕全族中兄弟過前陽洲瀆諸村收租并為今春築宗祠捐錢飲助宵熱甚當風高臥達旦初六日晴朝乘舟自桐乾鄉歸倦甚酣臥半日申後雷小雨宵閱廣羣芳譜蕙蘭類

初七日朝晴晨全諸友往衛房宮拜祝聖母午刻在金君

鍊百家飲福酒未後雷雨薄暮晴霽宵在林夢弓仙丈家飲福酒

初八日朝晴在館抄陳文節公年譜夕臨高貞碑字二開點經史百家雜鈔章味三孝廉贈余印石一架雕刻頗覺精緻申刻聞雷小雨宵初全李漱梅伍梅荃管杏浦彬臣蘊齋芸林禔菊諸昆仲在衛房宮觀劇至三鼓乃歸

初九日晴在館抄陳文節公年譜臨高貞碑字一開點經史百家雜鈔申後聞雷小雨宵初全芸林禔菊玉君子琳諸中表在衛房宮觀劇至四鼓

初十日晴在館抄陳文節公年譜臨高貞碑字二開  
點經史百家雜鈔宵閱曾文正公集

十一日大晴在館抄陳文節公年譜臨高貞碑字一開  
抄七家尚綱堂試帖點經史百家雜鈔宵迅雷大雨如

注余心驚顫不安早眠

十二日朝晴抄七家試帖詩已刻赴館閱賦學正鵠午刻  
門人延春家薦新邀余赴席夕聞雷微雨閱賦海大觀宵

倦早眠

十三日已刻赴館洪赤林太史來訪中愷公子邀飯余辭  
去夕雷雨作經古書院課賦題黃石公授張子房兵書以

穀城黃石秘授陰符為韻此題名作如林搜索枯腸未有  
新意率寫數行終落前人窠臼故未成篇

十四日陰在館作經古賦始成篇宵作試帖詩題閒拈蕉  
葉題詩詠得題字其夜微雨

十五日晴在館改所作經古賦終日宵閱味閒堂賦鈔  
十六日陰日暫見在館作漁家樂詩一章閱舊歲時務

各報是夜東北風甚大

十七日雨微晴已刻赴館季芄延曙以昨夕均感風寒不  
在館余歸作經古策問至晚脫稿以不佳棄去宵訪鄭

一山談極久

十八日會雨改作經古策問宵西風大起極涼

十九日陰終日抄經古策問并賦腕力極疲宵族人金滿來譚論甚久作經古書院童生賦題廣寒宮以衆仙同日詠霓裳為韻脫稿時忘四漏

二十日抄童生經古賦作漁家樂詩申刻向禮房處繳卷阻雨虹見至晚始歸宵仝族人露坐月下暢談至四鼓廿一日晴暫雨作經古童生次篇賦午刻脫稿即抄就訪鄭一山合送禮房處申後震軒妹丈自丁田來留宿宵初

錄經古賦

廿二日晴早晨震軒妹丈泛舟歸丁田赴館臨高貞碑字

二開是日困倦殆甚無事宵迅雷大雨如注夜涼

廿三日朝雨天氣清涼頗有秋意在館作道課肆經堂賦題未到中秋先賞月以題為韻午刻脫稿夕晴作試帖詩抄賦薄暮寄郡宵初錄近作賦

廿四日大晴在館抄陳文節公年譜點經史百家雜鈔改閱延曙詠史七律二首原本方正學云慷慨賦詩悲社稷從容投筆了恩讎讀書種子斯文絕正學廬名此日留二女招覓歸不得秦淮河畔水悠悠卓忠毅云鼙鼓聲中戰血痕南飛燕子啄皇孫逆鱗不畏雲雷厄騎虎歸來風雨昏管魏移忠何足法夷齊仗節莫輕

論吾黨中惟此生最年少其造語如此洵不易才也宵  
過玉君表弟家全舅母坐設極久

廿五日雨早起抄七家試帖詩赴館抄陳文節公年譜  
臨高貞碑字二開點經史百家雜鈔薄暮柳君琴山  
過訪以格致竟原一部來售余喜得此書即付大小墨  
西哥銀圓各一枚易之談良久辭去宵過衛房宮遊覽  
時同社諸君延盲人唱詞俗名娘燈燭鬥艷直同上元陳設古  
玩頗有可觀遊行士女不啻如雲閒玩久之三漏乃歸  
廿六日晨雨即止在館抄陳文節公年譜點經史百  
家雜鈔宵過衛房宮遊玩至二鼓歸

廿七日晴在館抄陳文節公年譜臨高貞碑字一開點  
經史百家雜鈔宵訪鄭一山

廿八日早晨往鄭君一山家是日鄭兄為祖母李太孺人  
開弔邀余全洪曉善小石方曉畬周遠秋諸君作贊襄  
近午驟雨旋霽就飲申刻歸宵倦早眠其夜子時大  
雨達旦

廿九日早晨大雨旋霽抄七家試帖詩在館點經史百  
家雜鈔宵閱續小五義傳其夜子丑二時大雨

三十日晴早起抄七家試帖詩在館抄陳文節公年譜  
臨高貞碑字一開點經史百家雜鈔宵閱續小五義傳

其夜微雨

八月朔日晴早晨赴館初與門人延曙說四書文以其  
近日奉乃祖止園先生命留心八股將為應童試計故特  
先發硯也己刻買舟往丁田午刻抵震軒妹丈家飯後全  
杜君紫石震軒兄金秀珏往陳司徒廟觀劇薄暮始返  
宵雨不便出門身子倦甚與甥女秀綿抵足而眠

初二日陰朝全杜君紫石余君松舫張君翼臣金秀珏  
坐西書室談論蓼洲龍先生來說其家栽有風癡草

攷萬曆舊志東甌有草產山谷間葉如菊其葉一折風癡一次二三如之  
土人每借此為占故名風癡草計今歲颶風一次驗葉亦祇一折余向聞  
之猶疑茲目視之始信噫草木無知抑何有先見  
之明也蓋天所鍾使之然耳彼借莫應候可類推矣即今余張二君往觀

茶話間出所著韻譜上下二冊相示併以蒲萄餉余坐談  
極久夕震軒妹丈出趙定盦鈞先生所紀過來語二冊示  
余其中記事甚詳有關修身齊家治國之事者語語真  
切可作座右銘讀之愛不釋手宵挑燈更加細閱至二漏下  
始寢是夕竺君雅周訪軒兄留宿余眠不知其夜微雨  
初三日陰早起與雅周震軒二君坐西室談論甚久金君  
子彞鼎勳來邀軒兄書墓誌勒石竺君辭去子彞坐語  
移時亦去午飯後假寐半日宵全妹子談家事閱過來語  
初四日大晴朝買舟自丁田歸午刻抵家夕訪鄭一山王玉  
卿金秀珏均遇之又過棟園夫子處閱師課經古卷此

課博師居首余次之夫子語余曰子近來所作漸臻精緻他日必獨成一家勉之余愧且感談良久始別宵過一山兄家聞方君曉畦平章曰近日后河街有怪事抖頭牲者洪氏子也家無中饋屋惟一椽素開烟館為生涯近染時疫無人調治數日歿故棺停小屋魂靈不散屢屢見形每至夜深猝與人遇或逐或嘯令行道者毛髮為之悚噫若是人也生無人以事死又無人以祭為若教餒鬼宜其精結而神聚變形為厲矣可畏也亦可悲也

初五日大晴早起抄七家試帖詩以前日曠功加抄二首在館抄陳文節公年譜臨高貞碑字一開點經史百家雜

鈔宵族弟毓卿過訪談至二鼓去以客來不遑食飯頃過一山家是日一山為祖母終七之期邀僧道廣設道場梵唄之聲不絕于耳余坐久之四漏始歸

初六日陰早起抄七家試帖詩以前日曠功加抄三首在館抄陳文節公年譜午刻假館歸飯後冒雨出門全王玉卿兄過故友黃楚臣家檢點昔歲案牘申刻赴館臨高貞碑字一開點經史百家雜鈔宵閱大題文府大雨達旦初七日雨天氣頗涼在館終日作府課文四書題齊戰詩題深山大澤龍蛇遠得深題盡典贍故運用經史裁對頗費功夫僅作至中權停筆宵足成後二比并試帖至四鼓

就枕不成寐輾轉殆甚精神大覺恍惚余始懼心血欲枯  
用心太過實非養生之道宜力戒之以保身

初八日大晴在館抄府課四書文薄暮寄郡宵抄七家試  
帖詩以前日曠功加抄九首以補之宵初伍鳳樓表伯李  
彬臣表兄陸續過訪

初九日半晴半會早起抄七家試帖詩在館抄陳文節公  
年譜過胡生繩孫家借曲園課孫草以去年改試策論  
允家藏八股文倒篋均付諸一炬空手而返宵校閱七家  
試帖詩其夜月有暈

初十日晴早起抄七家試帖詩在館抄陳文節公年譜臨  
高貞碑字二開震軒妹丈過館項篆仙來薄暮歸軒  
兄返舟宵初有月李彬臣韞齋二表兄來過子琳表弟  
家時穉菊抱小恙故往一問

十一日早起抄七家試帖詩在館抄陳文節公年譜午  
刻陰旋雨出門過薛君松樵家算我春祭款歸家午  
餐旋回館與延曙說通鑑

閩越王即發兵距險其弟餘善乃與相宗族謀云云按注甲者閩越王弟之名下文言其弟餘善餘善殆即甲歟又言因立餘善為東越王蓋天子嘉其討罪而即以是封餘善也上言甲以誅死下又言因立餘善文本不相符然核其書中聞諸道路語意其所謂誅死者蓋傳聞之誤可明徵矣非此文自為矛盾也  
因延曙有疑于此故特明之葉耕經來送還學淵課卷  
并賞錢薄暮訪鄭一山遇之宵初震軒妹丈乘舟來



為端陽鬪龍爭勝之事解和未了故也

十二日旋雨旋晴早起抄七家試帖詩在館改延曙蒼髯  
叟傳是日午刻歸家時震軒在玉君表弟家留飯余適  
往亦被留宵過林順泰南貨店與族弟毓欽坐談三鼓  
歸閱新聞報

十三日旋雨旋陰早起抄七家試帖詩在館抄陳文節公  
年譜午刻歸軒兄已返舟過縣庫與程君星帆算找  
春祭欵未刻回館抄年譜為延春韻蕙抄律詩宵有  
月過玉君表弟家與姪母論家事至二鼓

十四日旋雨旋陰在家解拆賬務宵檢理舊藏四書文

至五鼓

十五日朝陰天氣頗燥熱午後大雨是日檢理四書文薄  
暮過新宗祠一閱以近日巧人塗屋脊也訪一山兄過之  
坐談一項宵賞月一家人團坐飲讌頗快洵天倫之樂  
事也

十六日晴終日在家檢理殘本四書文是日午刻丁田  
舟子來謂軒兄邀余往賞月以償前約因有事不去宵  
月色皎潔作十六夜見月詩

十七日乍晴乍陰早起抄七家試帖詩在館抄陳文節  
公年譜午刻館東邊飲席散全季芘延曙二叔侄往忠

義廟觀劇宵月明如晝作十七夜賞月詩

十八日大晴朝在館抄陳文節公年譜午刻歸家整理  
殘缺四書文薄暮訪陳竹生前輩宵整釘殘本四書文  
十九日大晴早起抄七家試帖詩在館抄陳文節公年  
譜午刻歸家族弟毓卿來全往新宗祠督工宵全洪  
棟園夫子鄭君一山中圍季芄昆季門人延曙在忠義  
廟觀劇至四鼓步月而歸

二十日大晴天氣甚燥早起抄七家試帖詩在館抄陳  
文節公年譜午前劉菊仙管中凌過館改延曙試帖詩  
宵訪鄭一山談論甚久是夜有月

廿一日陰早起抄七家試帖詩在館抄陳文節公年譜  
閱經古書院超等卷臨高貞碑字一開宵無事

廿二日大晴在館閱舊唐書吐蕃傳萬姓統譜宵疲倦  
殆甚就枕早眠

廿三日大晴終日在館作府課肄經堂賦題邊靜不收  
蕃帳馬以題為韻薄暮脫橐宵初訪鄭一山遇之倦  
甚早眠

廿四日陰是日余家設建普利道場於城隍廟已刻隨  
慈母全彬臣表兄乘舟至廟拈香以府課肄經堂限期  
太促袖携筆硯坐齋宮改竄昨夕所作賦并作試帖詩

午刻震軒妹丈雲苓表弟來薄暮微雨旋霽宵謝神  
家母先返余全彬臣收拾器皿至三鼓乘舟乃歸與軒兄  
夜話極久

廿五日陰雨日暫見余以震軒妹丈來不到館膳昨所  
作賦作詠秋七律四首秋意秋聲秋影秋韻此等題極難摹擬必須  
用超逸之筆方能制勝又限用王漁洋先生秋柳韻益難  
着筆搜索終日始成自覺有一二得意之句宵作詠錢  
武肅王金塗塔七古

廿六日大晴早起以所作古今體詩邀軒兄一閱代易三十  
餘字余心始定在館臨高貞碑字二開改延曙試帖詩

題讀書秋樹根秋止庵先生有擬作宵身子困倦殆甚  
早眠是日午後震軒妹丈返舟丁田歸

擬詩 讀書何處好期與昔人游靜對瑤階樹剛逢玉  
宇秋攀條涼露濕散帙古香浮待月琴橫膝吟風葉  
打頭濤聲三徑和燈味一廬幽典榮光遙射園林暑  
早收會心平拍案垂蔭恰當樓幸得窺 溫室奇文  
細枝讐言

廿七日大晴在館欲下筆作玉尺官課文題子曰學子如不  
及兩章此題陳陳相因實難翻新制勝兀坐終日搜  
索枯腸苦無新意遂止臨高貞碑字二開宵挑鐙加

意構意甚久然喜此時得有頭緒矣

廿八日大晴終日在館作玉尺官課文揭一學字側做滾作兩章薄暮脫藁心嫌作意猶近朦混宵訪鄭一山出所作文相質鄭君曰用意融洽兩為一眉目頗見分明佳處均為指出余方信而存之然心歉然終未定也談良久歸

廿九日陰在館改竄玉尺官課文宵抄玉尺官課文二篇作試帖詩二首至四鼓始就枕夜雨

卅日大晴在館抄玉尺官課文一篇申刻交卷為延曙說曲園四書文改試帖詩題紅蓼花疎水國秋紅止園

先生有擬作宵訪鄭一山遇之坐談極久歸友樵內弟來索觀官課文是日延曙出家藏澗琴詞學一冊相示弁首有余家杞巖公撰贈序文紀其年月為乾隆三十五年孟冬之月下有圖印二方紅暈猶新其中逐首圈點并眉批均係真跡余欣喜獲觀如對先人顏色輒向館東乞之因謂之曰余家鄆城君學問淹博吏治昭然平日筆墨舉族藏無隻字子能惠我必當有以報之也然未知果如所願否中心耿耿者不已李君者字飲冰潔谿其號亦同邑人也

擬作一望蕭疎景秋生水國中荷收殘蓋綠蓼綴野

花紅細辨宵含露。纖苞曉弄風簪。宜漁婦鬢撲向釣  
船篷。啖影重吹浪。尋香蝶抱叢。寒泉千澗靜。落木眾  
山同。黃襯洲前菊。丹連浦口楓。更看新雁起。鱸膾憶江  
東。

九月朔日大晴早起抄七家試帖詩在館抄陳文節公  
年譜午後鄭一山兄過館臨高貞碑字一開宵開夜課  
館為延曙說聖經一則二鼓歸閣續小五義傳獨坐甚  
久時更深人靜陟聞烏鳥聲頗涉怪異中心驚顫息  
燈乃眠是日午飯後中愷公子出家藏詩畫一觀耕織  
圖四幅係欽天監史焦秉貞寫筆極工緻又有彭雪琴

宮保手蹟二一墨梅霜苞鐵幹迥勁異常上題以詩  
云平生心事許誰知不是梅花不賦詩莫向西湖踏  
殘雪東風多在向陽枝己巳春強病窳作于秣陵舟  
次一着色牡丹秀麗絕倫如觀淡粧美女上題一絕白云  
錦繡江南實可哀六朝金粉盡成灰何如我有生花筆  
寫出人間富貴來甲子花朝作于孺須口水師軍次其  
梅花之幅下有大方印章一云漢書為下酒物梅花是知  
心人其牡丹之幅下有方印云險阻艱難是英雄意激  
昂慷慨有烈士風印迹新鮮宛然紙均徑長八尺有奇  
噫以先生之才上應星精為中興佐輔而又有荆關妙

手傳諸絹素余之豐于眼福獲此巨觀如對古人靜  
坐追思曷勝景仰

初二日大晴早起抄七家試帖詩往賴德明家送葬歸  
女弟謂余曰昨宵聞鳥鳴甚異中心驚搖今晨問諸隔  
鄰王家二嫂則言是野鬼之聲始從協鎮磚牆後一路而  
來繼至予家窗櫺下亂啼及聞犬吠聲竟杳然余聞而  
思之王家程氏少夫所天守節有年惟一女二姪家極清  
貧孤影堪憐鬼之悲鳴殆以此歟夕在館抄陳文節公  
年譜畢功宵禱菊表弟邀余往賴家全王君夔拊芸苓  
玉君二表弟以成主代行襄贊事留飯辭別過月如族

叔家談良久歸閱玉樓春稗史夜聞鵬鳥聲

初三日大晴早起抄七家試帖詩在館抄控盜墓呈詞  
此次底藁楊君雨村為余捉刀林梅遠姻兄過館申後  
赴縣署投遞宵與延曙說賦學正鵠二鼓放學連日  
館中木犀花盛開余袖數枝歸供膽瓶挑燈靜坐清  
香襲人頗有詩意

初四日大晴早起抄七家試帖詩錄漁家樂四首贈李  
蘊齋表兄在館臨高貞碑字二開點經史百家雜鈔中  
閻公子出俞曲園先生近作詩相示宵為延曙說大學  
至二鼓歸

詩附 禮闈揭曉孫兒陸雲獲售口占一律 未冠先登鄉

飲筵孫中舉年十八五回孤負杏花天五赴會試未售已拚學校司丁祭

本科大誰料科名利成年余庚戌進士至今科戊戌四十九年尚冀青雲能遠

到早看紫電徧流傳蘇滄均固由 祖德留猶在一半

還因汝母賢二兒婦賢孝且好善陸雲以第三人登第再賦一

律 羶筆纔題淡墨香又聞臚唱九天長未符吾邑

成年盛德清兩狀元康熙庚戌蔡啟傳壬戌蔡升元皆成年也已發先塋午夜光先高

遠府君墓樹二月間連夕放光梓里補全三鼎甲德清狀元二人榜眼一人尚春有探花棘闈

閱歷六科場自丙戌至戊戌七科會試矣微名追溯真堪笑

雲路無風鷓退翔入學第一鄉試第一殿試第三卯亭侍郎以詩賀

陸雲登第即次其韻 長安棋局幾番新且博虛名

慰老身科第寒家傳五代自先祖南莊府君至陸雲五代矣探花吾郡得

三人順治辛丑吳光緒丙子馮文蔚及陸雲而三已題黃榜名堪喜未副紅闈意

勿嗔陸雲繼娶許氏乃中表妹也自幼失母育於吾家甲午歲陸雲會試賦詩贈行以狀元期之若果得元亦與唐盧儲第一仙人許狀

頭同一佳話矣分得龍頭剛一角生年太歲合逢長陸雲生於戊辰

初五日晴余生日也早起抄七家試帖詩在館臨高貞

碑字二開點經史百家雜鈔為延春韻蕙二姊妹抄

今體詩宵改延曙試帖詩題秋月照簾櫳得秋字

止庵先生有擬作

擬詩 一樣簾櫳月偏生別後愁照人如有意作客

忽驚秋樹杪金風起階前玉露浮高懸銀蒜押遙對  
水晶毬砧杵寒聲急樓臺暮靄收清光穿戶入散步  
訝波流錦字憑誰寄瑤宮憶昔遊江郎懷彩筆離  
思寫悠悠

初六日大晴先大父生辰早起抄七家詩在館臨高貞碑  
字一開校櫻花館試帖午刻歸家祭謁先祖文飯後回  
館點經史百家雜鈔為延曙說韓愈爭臣論宵說曲  
園四書文二鼓放學往天后宮觀喜春花班演劇與林  
總仙和叔二君相遇

初七日大晴早起抄七家詩在館臨高貞碑字二開寫

函寄震軒妹丈校澹香齋尚綱堂試帖詩宵作試帖  
詩二鼓放學全鄭一山訪章君味三出紈扇相示益以贈余扇頭筆  
先在坐談極久味三出紈扇相示益以贈余扇頭筆  
墨為趙紹平振琦學士所書也字畫秀挺覽之愛不  
釋手今將暫留行篋待倩名手畫之始成全璧以贈  
余深感之而又羨章君之交誼獨殷也三漏別歸  
初八日大晴早起抄七家試帖詩在館臨高貞碑字  
二開點經史百家雜鈔林君梅遠過館宵為延曙  
抄網鑑缺幅

初九日大晴早起抄七家試帖詩已刻全鄭一山啟法



林和未劉菊僊諸君登西峴山閣公祭梓潼君值祭者  
章味三孝廉也計同譜八人昔歲鄭紫垣趙星璇先後  
辭世今春王賡廷又沒唐賢詩云遙知兄弟登高處  
遍插茱萸少一人正為我輩感也夕邀鄭一山洪小石  
李友樵登高至隆山觀海亭遊眺寺僧烹茗以待日向  
晚始下山歸宵在味三家享餞是日先祖母忌辰午刻陳  
丹卿表弟來拜

初十日大晴早起抄七家試帖詩在館臨高貞碑字一開  
午飯後中愷公子邀余出門遊玩過放生池登話桑樓  
遠眺此樓蓋為黃通政先生燕遊之所地廣三畝許高可

止庵先生聯 開府有新參  
單後逸香火共一堂每當月夕花  
晨結習未忘定有吟聲空際落  
青山北郭白水東城漁樵分半  
席遙想天容海色暮年衰病恨  
無眼福望中收

三四丈昨歲先生醱貲構之四抱山影一水橫門倚檻  
縱覽風帆沙鳥一一在目今乃棟宇粗成圻塗之工未  
竟而通政遂歸道山噫堂開綠野耆舊凋零對此河  
山曷勝增慨在池邊觀釣魚者半日進郭門過林漱  
泉碗店時和未藻卿幼梅先在坐談極久申後往忠  
義廟觀喜春花班演劇宵全鄭一山兄步月至二鼓  
十一日大晴早起抄七家試帖詩整衣冠偕同譜兄弟  
往劉菊仙家為其萱堂李太孺人祝壽在館臨高貞  
碑字一開午後欲下筆作詩毫無意興遂止全季芃延  
曙未姪過頤園與蔡書城先生葉生耕經坐談極久

薄暮僕報軒兄來遂歸宵到館閱過來語往衛房宮觀  
劇至三鼓歸

十二日大晴早起抄七家試帖詩在館閱何悔餘棧先生  
劍光集臨高貞碑字一開午後倦甚假寐半日宵往劉  
菊仙家飲壽酒博師居首席其次陳紫峯蔣仲笙許  
中笙鄭一山管中凌李幼梅夏味秋林漱泉洪曉蕃藻  
卿昆仲陳式卿劉菊仙也席散與一山步月至三鼓  
十三日陰早起抄七家試帖詩在館臨高貞碑字一開補  
作九日登隆山觀海亭七古一章宵閱窺園詩鈔為門  
人延曙說經世文編儲功篇其夜微雨

十四日陰稀雨早起抄七家試帖詩在館臨高貞碑字  
二開作殘柳七言一律宵閱味閒堂賦鈔

十五日陰雨日暫見早起抄七家試帖詩在館臨高貞碑  
字一開改葉蘭垞試帖詩午刻歸夕全毓卿族弟出北  
門過農家催送租谷沿途登九坦山往山人謝學銀家  
催收山祖出園果以待日晚始歸宵雨閱申報二鼓後  
章味三鄭一山二君過訪章君出所作明日祭大妹文相  
質酌易十數字談至三鼓始去

十六日陰雨早起抄七家試帖詩在館臨高貞碑字  
一開讀澹如軒詩存宵過族弟毓卿家一譚閱申報

十七日陰雨早起抄七家試帖詩在館臨高貞碑字一開  
改葉蘭垞小課文作敗荷疏蓼七言二律宵課樽兒讀  
書閱申報二紙

十八日陰雨早起抄七家試帖詩在館臨高貞碑字三開  
作寒蘆七言一律宵訪月如叔不過是日午後洪棟園師  
過館坐談甚久

十九日陰天氣頗涼早起抄七家試帖詩在館臨高貞  
碑字一開作枯桐七言一律宵為祠基事被人所負中  
心憤恨全毓卿至月如家大聲唾罵良久而出然此事  
亦無可挽回也余生平性尚硬直視人如己凡所遇之

事皆不能遂願都由世人狡詐未事預防故一入其間  
荆棘滿地竟成棘手自今以後宜力加痛戒斷不可作  
芸人舍己之事安分讀書免遭機變

二十日晴晏起在館臨高貞碑字一開錄四書文眉批  
為延曙講解便見了然點經史百家雜鈔宵過舅氏  
家與芸苓表弟說祠基事甚久訪毓卿不遇歸閱申報  
廿一日晴早起抄七家試帖詩在館臨高貞碑字一開點  
經史百家雜鈔薄暮北風極大宵訪族弟毓卿遇之  
廿二日陰早起抄七家試帖詩在館臨高貞碑字一開  
點經史百家雜鈔薄暮雨宵課枏樽兩兒讀書閱

申報其夜雨

廿三日陰雨日暫見早起閱申報在館臨高貞碑字一

開中愷公子出宋燕生存禮先生在滬上所作東髮篇五

古點經史百家雜鈔畢頌篆仙過館宵訪鄭一山兄

設論極久歸閱申報共八紙夜雨

附錄 東髮篇答

見贈

戊戌夏季

勸駕出山作此謝之非高也知天下無可為也

束髮惜分陰常恐曜靈匿鄉國號顏子寧屑百夫特弱  
齡蓬轉颺逾立鳳垂翼結客思黃金黃金安可得漫漫  
人海中孤直吾道窮盈盈嗟一水彼美隔西東夢繞天  
孫石眼枯精衛功朝雲非我仇不雨迷荆卽登高望中

原塵沙暗齊州儒俠流風盡巨盜交獻酬悲來獨哽咽微

管念桓侯驅車且四顧猛虎紛當路婦哭一何苦虎嘯

一何怒卞莊彼何人慨然欲追步追步不及東追步不

及西追步不及南追步不及北四顧靈蹤絕太息謝

驂服託命禮觀音移情存淨域踽踽素臣身棲棲

大澤濱殷勤再三贈強飯抑酸辛緘口密復密鯤

駮警駭人方今海內外五言古詩識者或推日本功臣副島姓蒼海

廿四日微晴早起抄七家試帖詩在館臨高貞碑字

一開午飯後館主人出摺疊扇相示有繆祐孫舊作

錄詩博師暨燕生先生題濯足萬里流圖詩觀畢邀孫

中愷季茂二公子延曙門人全林君喜田進塔院寺登話  
桑樓與項君聲玉遇良久歸館宵訪族弟毓卿遇之談  
項歸閱申報

繆詩

玉珮瓊瑤下九垓湯天風雪釀花胎千丰老鶴

衆頭睡一夜東風萬封開不羨僕人十賚文紅牕坐

擁海東雲數聲錢笛天雞曉耐得清寧定是君片霞

飛度海天遙明月樓臺聞玉簫此際孤山老居士狂吟獨

對鹵泠橋

題畫梅

娟娟態度趁輕羅曾託虞兮作豔歌

一自幽懷屬芳草楚天風露為誰多

題畫虞美人

雨後嚴

灘放棹游萬松翠擁釣臺秋幻與崖壑真吾事却恐

名山笑不休

題畫

博師

誰是乘風破浪才海天日叩首

白雲開胸中久蓄澄清志且向滄溟濯足來

燕生詩積

水茫茫不可極青天一髮燕南北思量未是濯纓時

濯足中流意亦得樓船橫海彼丈夫妙年更慕列仙

儒想見臨風動長嘯不知何處是蓬壺

辛卯初秋

廿五日朝晴在館臨高貞碑字二開午飯後全中園公子

訪洪赤林

錦標

太史時洪杏峯表伯方君曉畦亦在共坐

談論極久出藕粉餉余申刻冒雨歸館宵過鶴坡舅氏家

與芸苓表弟坐談片刻歸

廿六日雨在館臨高貞碑字一開作傲菊衰草七律各一

首宵閱申報

廿七日雨早起抄七家試帖詩在館臨高貞碑字一開作  
荒苔破蕉瘦竹七律各一首宵作老槐七言一律

廿八日乍晴乍陰在館臨高貞碑字一開作古榕七言一律  
宵全毓卿弟過成良公家議眾田事坐談至四鼓

廿九日先曾祖生辰先夫忌日朝陰抄七家試帖詩夕  
雨身子困倦假寐半日宵閱申報

十月朔日陰早起抄七家試帖詩在館臨高貞碑字一  
開以館中有客故假館歸夕補釘高青叩詩集宵初過  
西垣外舅家與友樵內弟李君友蘭炳然坐談良久又往

考堀前遊玩三鼓為許君孟錢送考以明日縣試正場許  
君為一山受業生因伊所託故也

初二日晨晴抄七家試帖詩錄舊作古詩申後雨過大  
宗祠為近日祠中被人燎穀故一時招集族人加罰紅  
燭燃謝祖前也宵訪鄭一山不遇歸閱申報是日縣試

首場四書題已冠是為王者師也至子之君未冠如有周  
公之才之美使驕詩題今年又見一昇平得平字

初三日朝晴早起抄七家試帖詩在館臨高貞碑字一  
開午後歸家收祖未後冒雨回館閱徐宗師校士錄宵  
倦早眠是晨洪棟園夫子過館

初四日大晴早起抄七家試帖詩在館臨高貞碑字一開  
改延曙駁呂東萊鄭伯克段于鄆論葉君仲辛重光過  
館宵閱申報共七紙

初五日晨驟雨旋霽抄七家試帖詩在館臨高貞碑  
字一開作題家榕莊松陰讀書小照得七言四絕宵微  
雨全鄭君一山方君曉畦過蔡漱泉冠英書館十譚出  
炒桃以餉至二漏歸其夜雨

初六日晨雨早起抄七家試帖詩在館臨高貞碑字  
一開午刻餐飯館主人出南京板鴨相餉味甚鮮美與  
吾鄉所製臘雞相類其甘脆殆有過之者歟問此物係

周明經曉美恩煦先生寄贈也夕陰錄曲園課孫四書

文眉批與延曙看宵聞縣署發正場案全禱菊玉君  
二表弟往觀案首馮燮堯次蔡錫齡朱襄張璞方鴻  
初洪錦驥蔡夢槐郭弼彭華黃鼎此十人皆前列也  
禱菊名列十三過一山禱菊處一設至二漏歸

初七日雨朝抄七家試帖詩禱菊表弟來索舊作經  
文啓篋檢與之葉耕經過訪夕在館臨高貞碑字一  
開宵過一山禱菊家一談是夜縣試二場余以連日積  
雨路多泥濘艱於行步不往送考

初八日晴天氣頗熱近仲春時候晨訪林和未為藉

田租穀事在館臨高貞碑字一開為延曙說曲園四書文  
改葉蘭垞憲課文蘭垞袖家藏古帖來余觀之中有運  
判游師雄題六駿碑考証甚確特筆之以備稽覽是  
夜大霧二鼓後買舫艇全棹第增柵下鄉稱祖枕藉舟  
中四鼓始覺

附錄

運判奉議游公題六駿碑

師雄舊見唐太宗六

馬畫像世傳以為闔立本之筆十八學士為之贊晚始  
得唐陵園記云太宗英文德皇后於昭陵御製刻石文  
并六馬像贊皆立於陵後勅歐陽詢書高宗總章二年  
詔殷仲容別題馬贊於石座即知贊文乃太宗自製非

天策學士所為明矣歐陽詢書今不復見惟仲容之字  
仍存如寫白蹄烏贊云平薛仁果時乘由此益知唐史  
悞以果為杲耳距陵北五里自山下往返四十里崑徑峭  
峻欲登者難之因諭邑官倣其石像帶箭之狀并丘行  
恭真塑於邑西門外太宗廟廷高庠豐約洪纖寸尺  
毫毛不差以便往來觀覽者又別為繪圖刻石于無下  
以廣其傳焉元祐四年端午日武功游師雄景叔題京  
兆府醴泉縣尉刁玠書主簿蔡安時篆額知縣事呂  
由聖立石 此序列在碑首以下畫六馬各題以贊分  
東西排書惟颯露紫一馬添畫一將披甲胄腰懸弓



袋作拔箭之狀倚馬胯旁餘皆無之今仍照原碑序  
次錄之如右

氣驚三川 威凌八陣  
紫鷲超躍 骨騰神駿

孤天載戰 氛埃廓清  
月精按轡 天駟橫行

聳轡平隴 回鞍定蜀  
倚天長劍 追風駿足

平東都時乘  
駟前中一箭

平劉惔時乘  
前中一箭背三箭

平薛仁果時乘  
色四蹄俱白

西第一紫鷲

西第二黃馬黑喙

西第三純黑  
白蹄烏

特勒驃

青驢

什伐赤

東第一黃白  
色喙 黑色

東第二蒼白雜  
色前中五箭

東第三純赤色前  
中四箭背一中箭

平宋金剛時乘  
應策騰空 承聲半漢

平竇建德時乘  
足輕 神發天機

平世克建德時乘  
瀟澗未靜 斧鉞中威

天險摧敵 乘危濟難

策茲飛練 定我戎衣

朱汗騁足 青旌凱歸

初九日天將曙舟抵下鄭少停岸側其時大霧漫天沿

湖船楫往來都在濛濛中但聞欸乃之聲遠近不辨倚  
舷四望如展畫圖吟興頗饒信口得七言一絕久之日出  
霧消始全增柁上岸過田家留晨餐收租畢下船轉  
到沈魯黃高木家稱祖時已卓午即返權危坐船中  
閱申報申刻至岱石余上岸過丁田震軒妹丈家一譚  
舟子艤舟以待夕陽西下話別歸舟抵家已上燈時矣  
宵倦早眠

初十日朝陰早起抄七家試帖詩為藉田租穀事寫函  
托許竹友先生在館臨高貞碑字一開午後夫色晦霾  
欲雨改延曙試帖詩題漢高祖拔劍斬蛇得王余亦擬

作一首申後微雨毓卿邀余往宗祠中會眾議更衣亭  
田租事良久話別回館是宵開夜課改延曙虞美人七  
律詩

十一日朝陰夕雨在館洪棟園夫子過館臨高貞碑字  
一開改葉蘭垞憲課文是日延曙以四書文開課題與  
其進也詩題共登青雲梯得梯作一講筆意甚清矯  
余心喜之畧加點易付還宵二鼓放學歸過李玉君表  
弟家一談始知縣試二場榜已發一名胡鳳奎次馮燮堯  
朱襄蔡錫齡洪錦驥方鴻初張璞黃兆元徐彪金蘊嶽  
禕菊表弟列第五十是場題目子曰大哉堯之為君也三

章經題乃求千斯倉乃求萬斯箱詩題十月條場得遜  
字

十二日半晴半陰早起抄七家試帖詩在館臨高貞碑  
字一開改延曙周亞夫論申刻家僕報震軒妹丈來  
即歸一叙談頃返舟歸丁田宵就館延曙出止庵先生  
所擬二開講一觀二鼓放學歸悶極兀坐是夜東風甚  
大縣試三場余不去為禕菊送考

附錄

進有可與以其一念之誠也夫童子之見非求進之  
誠何以能此夫子嘉其一念之誠故與之子意若曰吾嘗  
言不得中行而與之因思夫狂者之進取誠以其銳于圖

進也顧狂簡可裁固美其進取之銳而童蒙求我必許其求進之誠夫既介吾徒而來謁殊令我有教無類之心為之怍然一動者亦奚忍擯之於門牆外也若曰吾自杏壇設教以來未嘗強人而進之使從我遊者以其無心於進也顧無心於進者不强之使進教誨非可以濫施而有心於進者必引之使進門牆豈容於過峻彼既踵門而請謁其一念之誠有令我深相嘉許者亦奚忍麾之使去也

十三日雨早起抄七家試帖詩在館臨高貞碑字一開改葉蘭垞窗課文林君梅仙過館快談極久宵霽

月出改延曙窓課文二漏後訪禔菊表弟閱三場文談論頗久乘月而歸是日三場題目首見善如不及

行義以達其道賦題不知誰是謫仙才以九轉丹成鼎待

開為韻詩題林園無俗情得無律詩題菊枕菊夢論自中

西通商以來事端交涉掣肘滋多非力求富強之道不足以致制勝當以何者為先論

十四日晴早起抄七家試帖詩在館臨高貞碑字一開

作息夫人七律一首薄暮腹痛假館歸宵過南郭陳

府廟全林梅仙葉耕經李友蘭章子貞李友樵慶蒸

諸內弟觀劇三鼓冒雨歸閱徐宗師校士錄

十五日晴早起抄七家試帖詩在館臨高貞碑字一

開作虞美人七律一首宵延曙出止庵先生所擬乘桴  
浮於海一講相看

附錄嘗讀書有曰若濟巨川用汝作舟楫古明良會合  
之盛豈非吾所深願哉無如利濟空懷隨所往而有未  
之之歎况乃周流已倦不得已而興遐舉之思縱一葦  
之所如凌萬頃之茫然故土雖可懷乎有一往不顧者矣  
十六日大晴早起抄七家試帖詩在館臨高貞碑字一  
開林梅仙過館留午餐快談極久閱圖繪寶鑑宵初  
以延曙困倦貪睡放學獨早訪禕菊表弟坐談一頃聞  
三場縣案已發榜首朱襄次蔡錫齡洪錦驤馮燮堯方

鴻初項輔唐金蘊嶽張璞呂栢鄭棟選時余因月光皎  
潔天宇無塵轉訪鄭一山論詩快談至三鼓

十七日陰早起抄七家試帖詩在館臨高貞碑字一開  
為中園公子摘宋元人詩句五六聯囑胡琴舟寅先生  
作畫成題畫四絕句一畫李晞古仙山樓閣一畫風  
帆聯捷亦為孫君題作也宵放學後過玉君表弟家  
與潘君雲笙韞齋表兄坐談至三鼓

十八日雨晨起抄七家試帖詩鄭綺巒先生代余往嶼  
頭收租心甚感之在館改延曙蘭垞窗課文宵作菊夢  
七律一首是日縣試四場題目雖令詩題賣劍買牛得龔字

十九日朝陰抄七家試帖詩鄭一山為榕莊來乞圖出  
圖并詩倩鄭君題還之在館作菊枕七律一首臨高貞  
碑字一開抄近作詩廿餘首付季芄弟代呈棟園師改  
削夕霽閱劍虹居制藝宵閱四書文

二十日大晴終日在館錄輓黃通政楹聯手力為之疲  
宵過李玉君表弟家與瀛琳表弟金君鍊百坐話甚  
久以近日渙文患風熱余去一問也是夜發縣試四場案  
一名洪錦驤馮爽堯朱襄蔡錫齡方鴻初項輔唐金  
蘊嶽朱冕張璞林仁任共十名

廿一日大晴早起抄七家試帖詩在館校點七家試帖詩

宵訪鄭一山坐談極久

廿二日大晴朝在家彙清稱租佃戶姓名付族弟增柵  
往桐乾鄉收租午刻震軒妹丈來糊補冊頁薄暮軒  
兄返舟宵悶極早眠

廿三日大晴在館臨高貞碑字一開點經史百家簡編  
宵過李玉君表弟家全彬臣表兄管中凌丹三昆仲快  
談至二鼓歸寫各冊牌頭是日考縣試五場題目恭其行  
已也

子路聞  
以事其  
則三代  
共之句喜之喜句學共之句詩題冬嶺秀孤松得松字

廿四日大晴西風極大早起寫各冊牌頭在館臨高貞  
碑字一開改葉蘭坨窗課文點經史百家簡編

廿五日大晴在館點經史百家簡編項篆仙過訪宵全  
震軒妹丈閒話甚久

廿六日晴朝在館閱劍虹居制藝夕在家與毓卿增冊  
輩算大宗秋季收租穀賬許柘村表兄來訂約明春坐  
館事宵錄近作詩是日發縣試全案一名朱襄次洪錦  
驥馮燮堯聞朱君居首而榜下衆人竟洶洶不服者何耶  
廿七日乍晴乍雨朝全震軒妹丈論詩并出近作雜體一  
削夕軒兄返舟余書全案草冊至更深始就

廿八日大晴晨起與蔡作來照全案考生名姓挨次填卷  
并彌封標號至更初始畢宵邊鄭君一山來寫年貌冊

廿九日晴朝以盜墳案中族蠹永新在押身死其妻來  
余家騷擾即邀合族伯耆輩赴縣署向門政告訴始定  
夕寫坐號冊宵邊鄭一山兄寫年貌冊林君梅遠來

三十日陰終日在家全蔡作來鄭德瀛寫唱名冊是日  
午刻全震軒妹丈往禱菊表第家飲開房酒與鶴坡  
舅氏坐話半日宵陳丹卿表弟來與軒兄坐話極久釘  
點名各冊籍

十一月朔日朝陰林君庭蘭金君秀珏過訪與震軒妹  
丈坐話半日午刻大雨全一山震軒二君往禱菊表第家  
飲人情酒席散日已暮宵校對卷冊名次訛字是夜托

房友蔡作來全田東升伯先赴郡應公余以有事羈絆未偕往

初二日朝雨震軒妹丈歸丁田鶴坡舅氏許柘村李彬臣表兄來夕霽過孫中愷公子家弔唁以近日愷兄居母張宜人喪故也宵細雨乘小舟赴郡

初三日陰早晨舟抵郡檢點冊籍午小雨夕假寐半日宵倦甚早眠是日考永正場已冠首題詠而歸句次題予欲無言未冠首題喜怒哀樂之未發句次題不稱其力詩題東晉江山

稱永嘉得山字

初四日晴終日在寓看諸考生來買冊卷簿暮全蔡作

來出門遊玩宵寒甚早眠

初五日大晴有霜終日在寓看諸考生來購卷冊宵項篆仙來二鼓後全伍寶滋表弟杜茂珍工人往酒樓飲酒至四鼓歸

初六日朝陰夕晴終日在寓看諸考生來買卷冊洪棟園夫子周仲明葉蘭堽來宵初各廩保來寓查閱諸考生籍貫余校對印卷至四鼓和衣而眠是日考樂清平陽正場樂已冠首題三樂損者三樂樂次題丹朱之不肖未冠首題如得其情次題何取於水也詩題鐘鼓樂清時得清字平已冠首題比干次題無目者也未冠從耳目之欲句若湯

初七日朝晴李韞齋表兄稱菊桂琳二表弟自瑞來邀與  
合寓看諸生來購卷冊夕陰是日人來填冊者甚眾應接  
不暇余力幾殆宵邀寶滋桂琳數河間姪女錢共十餘貫  
為明日應發鋪班諸項也就枕時交五鼓

初八日晴終日看諸考生購卷冊并看各廩保畫花押  
是日送卷賸以冊籍宵初彙釘年貌清冊洪星卿姻丈  
來其夜瑞邑進場余全諸人檢點牌燈兼為韞齋稱菊  
送考

初九日晴震軒妹丈過寓說瑞邑題自首題雖欲勿用  
山次題而王詩題以文為瑞

得文字

丁田舟子來接軒兄

歸余以蚨錢一貫托帶家中付用宵全一山兄過晉庫  
司前吳益生家算膏伙錢款先取墨西哥銀五圓而歸  
初十日晴天氣頗煖檢點行李作旋里計邀稱菊表弟  
代余買零星物件宵初乘河鄉船返瑞蔣魯芹丈思源  
附舟其夜月明如晝獨坐舟中縱覽愛月不眠至四鼓始  
閉目少息

十一日晴早晨舟抵岸收拾行李歸家午刻往鶴坡舅  
氏家為舅母管孺人送奠乘舢板船隨舅氏全彬臣雲  
林麗生玉君諸昆仲管君丹三赴廿五都巖山過安義  
堡城薄暮始至是夜月色皎潔露坐新塚上談論至曙



十二日晴有霧早起全諸中表換吉服迎主下船午刻抵西門小衙衙其時諸親友陸續來接至未刻虞祭畢留

餐過小宗全族人酌議爭繼事宵飲轎後酒余掌壺三

鼓席散歸是日覆永樂二場永首題伯夷目不視至伯夷之風者樂柳下惠不至柳下惠之風者經題自短至則伐木取竹箭

十三日晴朝倦甚晏起午刻往舅氏家飲人情酒全蔣

中笙管中凌間話半日宵舅氏留飯至三鼓歸

十四日晴終日在館點經史百家簡編午後精神困倦伏

業假寐半日宵蟾月如銀閱家藏書札讀高青邱七律詩

十五日大晴天氣頗煖終日在館點經史百家簡編宵閱

### 先曾祖家書

十六日有霧細雨在館臨高貞碑字二開點經史百家簡編薄暮晴霽宵閱申報二紙

十七日陰早起抄七家試帖詩在館臨高貞碑字一開

葉蘭垞自郡來問二場十五日題目瑞曾子居武城至子

思同道平禹稷當平世至顏回同道經題復以見天地之心

詩題楓林橘樹丹青合得青校點經史百家簡編項篆仙

來簿暮看府試二場案一名洪錦驥宵李麗生表弟來

代數姪女錢共廿三貫

十八日早辰細雨旋晴許桓村表兄過訪終日在館作盜

葬呈詞并抄以邑尊有事晉省故不去投遞宵族弟毓卿

增柎來談良久抄七家西漚試帖詩

十九日晴早起抄七家試帖詩在館抄祭小宗祖先文夕

往小宗祠拜祖飲節酒至暮而歸宵抄七家試帖詩途

中聞十八日府覆三場題目四縣合考永見牛樂求魚瑞驅

蛇平食牛賦題雁宕或上雁宕聞天雞詩題健筆凌鸚鵡

得七律寒鴉雀

二十日冬至節細雨旋陰朝抄七家試帖詩午刻設饌

往大宗祠拜祖祭畢招族人飲宴席散日已薄暮宵

過玉君表弟毓卿族弟家一談

廿一日陰早起抄七家試帖詩已刻過館以館主人延僧道

誦經故假館歸轉過胡生繩蓀家與余君松舫王君竹君

詰坐談極久閒話間聞府試末覆題目作四起講力不膽也向

學不厭敦薄夫行何為踴躍夕抄七家試帖詩宵設饌祭祖

先過玉君表弟家一談其夜微雨北風極大

廿二日雨朝在家抄高岳收租佃戶姓氏草簿選伍寶

滋表弟全家僕往高岳收租夕在館點經史百家簡編

宵閱劍虹居文稿

廿三日朝微雨旋霽在館閱大題文府作永縣封課四

書文題是孟子曰待文王而後興者一章以數月未下

筆作文思路頗滯勉強祇成一講宵閱段紫滄時文

廿四日陰雨在館作永嘉封課成起中共四比宵作後  
二長比并試帖詩至四鼓始寢

廿五日陰朝訪一山兄出所作文相證為易數字始定  
在館抄永縣封課文并試帖詩項篆仙來薄暮雨李  
芄出其尊人止庵先生所作陳君作賢傳贊一篇以觀  
讀之筆力不減漢魏先生近患目耗年過八旬此贊共五  
百餘字腹藁構成信口授錄故筆之以為寶將永縣課  
卷付僕交信局寄郡宵李麗生表弟來抄七家試帖詩

附錄陳君作賢傳贊

陳君名序傳字作賢三都大山人其先世自澍村來遷相  
傳為文節公後世習儒業咸豐末粵寇据台括平陽奸  
民潛出鈎結散布偽錢招誘徒黨聚于錢倉山中自號  
金錢會吾邑亂民亦群起附之守令養癰寢成大亂郡  
兵不能制福建即用道煥堂張公奉檄來溫勦辦初至  
駐營邑東之隆山擇日出師命民團鄉導前驅君時為  
大山團長銳氣深入至洲瀆遇伏陣亡時辛酉十二月十七  
日也張公飛馬救援不及遂進營澄江直搗賊巢未三月  
巨惡次第就擒悉置之法無漏網者四境肅清惜君  
不及見顧亦可以無恨矣光緒乙亥十二月哲嗣建陶  
招魂葬于本山之原乞余為之傳贊曰偉矣陳君名

賢之裔登莫春堂問詩問禮世習儒書內行純美咸豐  
之季粵氛孔邇平有伏莽攘臂思起吾邑亂民羣附  
如蟻雖則蟻附鳥合方始及此驅除不煩一矢彼昏無謀  
肉食者鄙下慢上偷網維畢弛告之話言如瑱充耳涓  
涓之流未乃大潰窺我城池殘我州里民無甯居流離  
奔徙余時治團畫疆而理君我東隣守望相倚憫此橫  
流亂何以弭桓桓張公率師莅止檄君前驅颯發電駛  
深入賊地于江之溪遇伏而亡髮猶上指怒潮哀號寒日  
生齒馬革不還喪我壯士張公聞之拔劍斫几捲旆疾  
趨壓賊之壘不及三月草薶禽獮六七巨魁暴死于市竟

徒什伯如刳羊豕血流滿溝河流盡紫君沒有知日其  
暝矣我念生民皆有一死為國捐軀名光青史作亂而  
誅臭不可洗一為人豪一為逆鬼孰榮孰辱舜跖之比  
律矣陳君流芳千禩鬱鬱佳城故居尺咫魂歸來兮  
雲旗旖旎天佑忠良昌其孫子

止園老人孫鏘鳴時年八十有三  
口授四子語誌書

廿六日陰雨朝在館陳君見初來見初二丹青有俛  
迂遺風善山水尤善寫真兼工詩與余舊交去年失  
偶遂棄家改易道裝隱居雁蕩之淨名院自號月壺  
道人日以遊山為樂有雁峯八大觀詩近以中閩公子  
居母喪故延道友為張太宜人作道場誦經也睽隔數

年候爾相晤樂與抱膝而談者半日夕點經史百家簡  
鈔畢臨高貞碑字二開閱新聞報數紙中言遂溪縣李  
平書大令止庵先生昔年掌教中江龍門書院所得之士素得民心頗有古循吏之風  
今法人佔據碭州島與大令積有違言土人恨法愈深驅  
衆與戰法屢敗北幸官軍馳至彈壓未至釀成巨禍時  
人為之語曰我大慈親李令君指麾談笑却邊氛再戰  
再捷康吾人始信用兵如有神云云噫若李大令者愛  
君牧民仁慈剛毅當今之世其氣節不可多得倘我  
朝直省諸大吏盡如其人夫何慮敵人之覬覦又何患  
民志之不堅乎讀至此曷勝誌感宵過玉君表弟家

與鴻秋舅氏談家事甚久歸抄七家試帖詩

廿七日晴天氣頗燥先君生長朝往吳颯生前輩家  
送葬午刻往館東孫學士家赴席以是日中容先生葉  
君伯孫為張宜人奠拜中閨公子邀余仝胡雪帆先生  
葉君聲石鈔為贊襄也席散日已薄暮宵過族弟毓  
卿家一談歸抄七家試帖詩其夜微雨

錄中容先生祭張宜人文

彤華德茂夙敬式於母儀

總帳風淒痛永睽於懿則茲當七復之辰恭獻一觴之  
奠恭惟先如叔母張太安人傳芬鼎族佐邁高門婉  
嫻修儀賢明作範五花錫鳳誥命婦而承恩八秩承歡

侍夫君而迓福方冀永介於曼壽何圖忽厄於微疴族  
黨紐哀珩璜念德讓等忝附竹林夙欽椒問敬斟清醕  
虔奠靈筵伏冀翟榆如在環佩來歸庶瞻侍於魚  
軒藉薄申於蟻悃神其如在來格來歆尚享

廿八日晴終日在家抄七家簡學齋試帖宵閱申報共

八紙

廿九日陰終日在家抄七家試帖詩假寐半日宵北  
風甚緊寒重不勝早眠

十二月朔日早晨天大雪平地深寸許冒冷訪鄭一山  
偕方君曉畦洪君黻廷過李氏小園主人幼梅出迎共

登聽松樓小憩郭雁秋後至維時朔風甚緊雪下愈大  
但見玉龍酣鬪天地皓然檐鳥不譁遠山失影憑欄四  
顧此身恍在瓊樓玉宇中也縱覽久之下樓在讀易廬  
圍坐暢談看窓前芭蕉數本青白相間半壓瓊瑤寒  
颼動處積雪飄墮丁丁作碎玉聲悟輞川畫意此景  
不多得也近午寒重難耐始辭別歸呼僕掃雪烹煮  
膳以雁山芽茶啜之味甚佳又供二小罈拾雪貯之未  
刻雪止季芄遣小使訂明日茶山看梅之遊薄暮邀  
韞齋穉菊二中表登西峴山遊玩下山已上燈時候宵  
閱蘇文忠公聚星堂詠雪諸詩作登西峴山眺雪七古

初二日陰雨早起積雪未消天氣極寒已刻到館以天  
又雨茶山之遊不果終日與月壺道人坐談季芑出尊  
人止庵先生近作贈永載道人詩并舊作諸贈答詩一  
觀宵閣申報共四紙

贈永載道人

委羽浙東之名山上多洞穴竅且閑相傳神禹

東巡藏書於其間龍威丈人來守關歲雜玉鎖金連環  
絕境不容凡士攀道人今年八十一上山如飛童其顏白  
鬚一尺眉覆額塵纓早絕不待刪自言習靜六十載此  
心獨與白雲相往還何時啖我道華棗共看金頂花  
爛斑壽姜子彞七十一生不識後與苓顏若渥丹雙瞳青

中宵起坐存黃庭肯使夢幻勞我形丹山綵鳳齊揚翎  
階前玉樹皆德馨滿堂絃管聲泠泠希韞上壽白玉  
餅為翁洗盞頌百齡

題留賓下榻圖

我來指中春泊舟

橫江口邂逅遇同心傾襟得良友臭味一以孚形跡復何

有君家多哲昆濯濯風中柳入門見二子禮讓亦能守  
摘君園中蔬飲我壺中酒連宵風雨深情意果何厚  
別來日月流寒秋忽在九瞻彼出山雲愧余牛馬走  
聚會曾幾何此行別當久曷言啻中人臨風重搔首

為祁質卿題秋江別思卷子

虞關莫挽痛魁儒天外冥鴻跡

未疎楊柳風生寒浦棹  
巖薇秋老故山廬  
遺圖流轉

百年感妙墨飛騰幾輩書我亦韓門病張籍一回展  
卷一踟躕卷內題者多文端門人

初三日陰雨畏寒晏起午刻下筆作玉尺封課文題目  
子貢問為仁二章至三鼓脫稿

初四日陰雨趙家以是日吉為二女弟行聘定禮終日  
在家檢點茶果遣僕分送諸親戚家宵初下筆作玉  
尺封課第二藝至四鼓脫藁

初五日陰雨晨起錄封課文二篇觀之嫌未愜意近午  
震軒妹丈泛舟自丁田來出所作相質謂此文甚華麗  
後篇較勝非等老生常談也為改易數十字余心始

定申刻返舟携秀堆秀綿二甥女歸韞齋雲林二中表  
來宵熱燭抄玉尺文共二篇作試帖詩二首題水始  
冰得冰字至四鼓始寢

初六日晨微雪抄試帖詩袖近作文訪鄭一山一閱歸  
遣僕交卷午後雪止閱申報共六紙宵初天色稍霽  
見星寒甚早眠其夜朔風又起極大擁被聽之米雪  
敲簷作丁丁聲想滕六又施威矣

初七日在館門人季芃出觀止庵先生朔日喜雪七古  
因次其韻成七古一章并補作昨夜微雪詩仍用其  
韻是日也天降大雪平地積五寸餘厚較朔日尤覺



加大里中文老謂十數年來未之見也其夜雪下甚驟寒窓生白至曉未霽

附錄止庵先生詩

喜雪

十二月一日

連朝大霧不出日江上

凍雲昏如墨夜長忽訝衣作稜晨起微覺窗生白郭索似聞蟹爪行浙瀝知有竹梢折空中飛舞絮成屯堦前璀璨玉盈尺乳鳩守巢困不飛飢雀噪檐時一啁病恨未得上樓看想見城郭山川同一色比年海畔苦旱蝗入冬望雪心所切天心仁愛須臾間定卜來春飽二麥

初八日阻雪不往館終夕天色沉寒猶將下雪因戲作詩仍用前韻其夜又雪至晨始止

初九日天色晴霽日出雪融簷溜滴滴不絕往館改延曙喜雪詩并作雪霽七古臺用前韻宵過族第毓卿家談至二鼓而歸

初十日晴在館閱曾文正公十八家詩鈔蘇軾七古宵閱申報四紙

十一日陰晨起往周曉秋家為寅粵姻伯送殯夕在毓卿家料理人情事并為伯母吳孺人送葬宵毓卿請薛子樞先生題主仝邵棠甫先生沈君小僊楊君韻士金君鍊百陳丹卿表弟作贊襄飲設奠酒歸

時已三鼓

十二日晴晨起出東門為王君象鈴家迎主往比鄰姜君嶽仙家送奠夕在毓卿家寫虞祭成主諸告文宵往象鈴處飲轎後酒

十三日大晴早晨整衣冠全鄭一山出東門城隍廟小坐蓋是日毓卿族弟為其母吳孺人奉主反禘也午刻飲轎後酒席散日已向暮宵毓卿強邀飲酒二鼓歸其夜中愷公子折柬招余以明晨為張太宜人開弔五鼓設奠遷余全胡雪帆先生洪萊仙楊筱村葉聲石作贊襄也

十四日晴在孫學士家陪客午刻飲酒與項君雪槎王君葯如黃君二如陳君瀛生任君德保美士公子楊筱村周中龍項蔥畦二先生洪小湘姻兄全席筵散日已曛暮宵訪鄭君一山談甚久伍寶滋表弟來十五日陰為郭雨田先生六秩雙慶成七言一律其哲嗣雁秋世兄囑余作故也又代鄭君一山作一律寄閱律賦從新味閒堂賦鈔

十六日晴晨起作永縣肄經堂封課賦生題范希文以天下為己任以秀才以天下為己任為韻午刻祇成三段往王甫臣前輩家飲福首酒薄暮始歸

宵挑燈作賦至五鼓始成  
十七日陰晨起作試帖詩題開盡梅花月自晴得  
晴字鄭君一山本邊抄昨作賦并詩友樵內弟來索  
觀玉尺封課生題文談良久去作童題課賦題目蒙  
以養正以童蒙求我志應也為押脚薄暮仍邀一山  
抄之即刻寄郡其夜微雨族人金滿公來過宿  
十八日陰家中換新族人金滿公去邊蔡作來代投  
盜葬呈詞檢百歲五代老案問申報五紙宵困倦  
眠甚早夜起閱申報至五鼓

十九日陰終日在家抄簡學齋試帖鶴坡舅氏過舍宵

過王玉卿家一談又過奎秀珏處坐話至三鼓而歸

二十日晴朝錄朔日眺雪七古午後震軒妹丈自丁田  
來坐談至莫欲歸強為留宿索觀申報余獨抄七家  
試帖詩畢并錄詠雪和韻諸作邊軒兄改削至四鼓  
始各就寢其夜大霧漫天對面不辨

廿一日陰有霧晨起見案上有前日祝郭蕙田丈壽詩

善鄭一山兄來札註中謂引周頌閔宮字係主女壽  
說以此詩有赫赫姜嫄句故也郭池二君囑其門人郭  
雁秋云云余生平不工作禱媚語此類歌詞近于祝史  
故難着筆矧我之見等井蛙率爾探觚奚免大雅一喙

猶幸良朋切磋助我綦深中心感激者不已即時與軒  
兄酌改廿餘字末二句云我本西湖梅鶴侶南飛一曲  
賀公身易此一結頓改舊觀心覺大快晨餐後即令伍  
憲滋表弟步行送震軒妹丈歸丁田與張秋門慶藻姻  
丈遇路過董田見旁有古廟門首列二石柱舊刻七言  
楹聯有云飲于斯梅何須望風乎此豈不可趨信口讀  
之心疑未解質之震軒應之曰上三字為一句若連下一  
氣讀之不成句調余始悟并自愧齒莽上甚一路默記念  
悟愈有味因言之曰有此楹聯置諸茶亭涼亭中其實  
了當茲列諸神祠未免不倫時秋門丈曰此廟係予近日合

創成之前時為路亭旁倚古廟日久傾圮二石楹曾被墻  
下人運去者今知之偕鄉父老釀貲贖還修整復舊然  
此石想為前明物此聯語亦為前朝名人所作予所言殆  
有本歟日向午抵軒兄家留午餐寶滋往後朱村討卷  
冊費余與妹子坐談家事極久寯獨倚膝嬉笑頗自得  
日暮強辭出門偕寶滋表弟循途而返到門已近更深  
寶滋飽晚餐代數鈔錢共三吊時足力疲倦殆甚倚  
枕鼾眠迨朦朧睡覺彼早不辭去矣

廿二日陰日暫見在館改延曙漢武帝不冠不見汲黯論  
漁家樂詩葉蘭垞窓課文館主人中閩公子出觀宋君

燕生存禮滬止來函其中詳叙近日朝廷政事并日本  
英法諸國學派洋洋灑灑不下千餘言讀之津津有味  
因控管錄存又代購赫胥黎天演論二冊一付中闔一歸  
予此書為嚴君幼陵後所譯分上下二卷上卷十八篇下  
卷十七篇說理切實不事鈞奇洵西人理學之第一書也  
甯訪鄭一山談良久又過李玉君表弟家與雲林坐話  
至三鼓

附錄燕生先生函

前月接到外舅致余道臺及邱君函當即

送交道臺至今尚無回信不知尊事可就與否鄙意合肥  
現署廣督較前畧有體面外間官場炎涼最甚閣下宜

速請長者作一書寄交合肥囑其轉託上海道或可謀  
就此席歟合肥以不肯附和執政遂至久作光頭大學士  
此次因法國在廣州灣大鬧殺民人數千劫去道員已經  
蘇少保會同譚制軍許割兩島地合數百里與他又許  
賠重款猶不滿意故無奈將合肥出署兩廣欲靠其熟  
悉洋情便與法人議結然猶不敢遽以實缺授之也  
制軍取怒於法人勒令我朝廷將其革職經譯署再三  
婉商將其離任來京以顧國體耳至江督劉公所以離任  
內召之故則其根源有未敢達之於信函者外間亦聞其  
多駭說重重夫約事關宮禁不敢說也至其可說之根

君臣之分久定中外各宜知此二字也

則起於客秋之電爭十二字也近者沈太史鵬奏參榮剛及李連英直聲震天下雖格於堂官不得止而海內外傳誦譯稿遍于外洋幾于洛陽紙貴上海中外日報滬報皆登其文今特附去中外日報兩張請賜一閱并請誦與長者聽沈太史為常熟人剛毅見此稿大怒曰此必同和主使吾必先殺翁同和再殺此人自有此指翁同和傳之性命益危于累卵矣自去年八月以後翁公日居破山寺非僧人不敢接見然猶密旨再三著督撫嚴密查看幸兩江督撫尚肯保全正類耳上海申報館得執政賄二十萬一味顛倒是非蓋執政以申報牌子最老行銷最遠故

獨行重賄其計毒矣太后萬壽海外數百萬商民合詞電致譯署祝壽并懇切請歸政皇上京師大事之舉部署本已大定因此之故又暫從緩執政者言于太后曰海外數百萬商民之請歸政皆康梁所指使也故先殺康梁不可行大事因此有發明諭購康梁之與也然梁卓如所著戊戌政變記及光緒聖德記及清議報雖經鄂督嚴禁然他省督撫皆不示禁天津上海等處舊者甚多李合肥且公然對人贊賞并傳語梁卓如囑其珍重官幕私買者絡繹不絕執政竟無法以禁斷之也承詢海外奇書日本去年一年新出之書有二萬五千餘種乾嘉時修四庫全書合中國古今書不過萬餘但遠不如日本之多

日本去年一年新出之書有二萬五千餘種乾嘉時修四庫全書合中國古今書不過萬餘

種尚不及今日日本一其最深最高之書姑舉其派別之名請閣下

示明欲買何書再為託便人至東京買取一千種可也計高深

之學派曰哲學佛敎德教及周漢諸子皆稱東方哲學曰社會學曰心理學曰進化學曰政理學

曰法理學曰物化純理學曰三輕學光熱電曰人類學曰教育學

其派別各即皆為我國號稱通西學洋務人所未曾聞仰

其學之實今之日本文明之度勝中國非億兆之與一比

例也學之極品可笑其不然物理學亦有深者非我國號稱格致者所能夢見但看一二種即可以大瀆靈源矣每學子派若書若報不可勝

計即如佛學報亦有四十餘種而如醫學國際學及農工商兵則所

謂粗淺之學史學輿地學數學修身學則全國四千萬男

女之普通學矣彼中益不可勝計書畫琴棋詩詞亦皆有

專報五洲之大文明未有如日本者也西人無通儒教者

惟佛教則向來有之然亦不如日本之盛閣下欲治何種

學然後定見買何種書可耳天演論卷上兩部嚴幼陵

譯文墨卷氣甚重且原書亦無大好处蓋赫胥黎不過

英國一生理學家小名士非大名士其中議論可笑者甚

多雖然此等書在我國譯書中亦可稱彼善于此者不可

不作平心之論也弟前年曾作駁赫胥黎此詣數篇皆申

西洋政理學家之深誼使赫胥黎見之決無詞以處駁惜

未通英文不能譯寄英國耳至嚴幼陵之跋譏則可笑已

極非但於東方學派全無所知且於西洋學派全未問津一

味道聽塗說但可以欺今之不學者耳雖然幼陵之學在  
今日之中國究竟不能不許其為通一邊在。今。中。國。之。通。  
洋。文。人。中。則。幾。於。第。一。人。矣。中興功臣也近日又患傷風伏枕。月  
始出外敢聞丁中丞日昌之公子字叔雅者在上海與汪君  
穰卿等創立正氣會已刊章程其意欲聯絡海內志士共  
圖振興中國之策曾以章程見邀入會。弟。加。謝。之。不。敢。列。  
卻。生。今。日。而。猶。欲。恢。復。清。議。雖。誠。壯。不。可。及。然。吾。恐。其。將。  
得。大。禍。即。不。得。禍。亦。決。不。能。興。旺。也。上。海。志。士。皆。笑。弟。為。  
畏。怯。無。膽。氣。但。有。空。識。解。無。足。當。于。天。下。興。亡。之。數。弟。亦。  
喟。然。受。之。且。力。阻。諸。君。之。從。速。解。散。未。知。諸。君。之。肯。從。忠。

告否也茲託雪汀妹丈帶上此函敬請 侍安 十一月廿八日

西洋近年出兩個大學士名震地球一為光學博士造以

光鏡照人臟腑如見已通行史記扁鵲洞見垣一方一為電學博士造無

綫電報但有兩頭鐵桿而中間數百千里無綫無桿竟能

傳電長生學如有綫有桿之報亦已通行此二學士為非常不可及

之人有無動物東方所無也至醫學則地球公評以德國為最奧國次

之日本為三英法名醫尚在日日本名醫之下畫學則日本有

橋本雅邦推為全地球第一兵學工學日本皆列為一等

其餘形上形下諸學日本皆不落第二流獨商學以日本

為最次等蓋日本人於一切學問皆若得天獨厚獨商學



性未甚相習遠不如英法諸國亦其地土不狹商利難展  
有限于無可設施者也至中國則地球文明諸國置之不  
齒其與我使臣隨員往來者除外交官及商人外無有名  
士蹤跡及門西人之評中國曰全未知學之國日人之評中  
國曰文明早已過去六經早已掃地之國見鄙薄如此真可  
憐矣

廿三日朝晴內子腹動作痛余以館事羈絆不顧而往  
館臨高貞碑字二開午刻中閩公子設筵邀余飲蘭堦  
季芄延曙延春諸門人陪席以明晨解館故也夕陰改  
延曙詠雪步韻詩三章并囑抄錄一紙相贈薄暮歸家

戊刻內子分娩喜舉一男即出門報知鶴坡舅氏暨陳氏  
姪母訪鄭一山遇雨借雨具轉訪李仲寬前輩定四兒八  
字謂此子生在丙申日又土氣甚旺可類決長成取名宜用  
木字旁以輔之立談良久始作別歸其夜微雨

廿四日陰天氣寒冷晨起奉慈親命為四兒解穢宜咳  
名即訪鄭君一山索書紅箋名帖代取煥楸二字以題之  
已刻往館放假檢案上書本中夾本春手自抄存仲容申甫  
二先生所作壽言數紙袖歸季芄傷風韻蔥患足痛俱  
不到館夕偕僕往衛房宮拜謝聖母至後宮天井中聞蠟  
梅花香遣僕折數枝而回閱新聞報薄暮訪友樵內弟

訂明春與涇琳表弟設塾合請林雨臣乃滋表舅教讀相  
梅雨兒暨乃文表侄事更初祭竈神作祀竈神詞七言四  
絕伍寶滋表弟來代數蚨錢共七貫夜深留宿

附錄仲容先生

皇清詒封宜人楊老伯母李  
太宜人八歸晉一榮壽

光緒祝嘏大洲獻三月

為余友平陽楊君愚慶尊慈李太宜人八旬晉一壽辰同  
里諸戚友將舉觴為千秋之祝以詒讓與愚慶累世雅故  
膏修登堂拜母之敬屬為文以紀之謹揚解而言曰自來  
名門望族高年幼德咸與國家運祚相符合茲者恭逢  
慈禧皇太后三次訓政之年湛恩汪濊錫福寰宇而太  
宜人以母儀懿範胡考大年適際斯盛國華家瑞駢

萃一時非夫女師禮宗昌克副此請揚推陳之以侑一  
觴可乎曩者先太僕君與愚慶尊甫琴溪世丈為  
道義交讓束髮受書趨侍鄰下即聞世丈一門清德  
心竊嚮往之建弱冠為諸生受知泰興吳和甫侍郎又  
與愚慶為同歲歲時文讌往還尤稔論文講藝昕夕  
無間迄今卅年讓貌馬孤露索居眇懽而愚慶以明經  
杜門奉母色養愉愉極天倫之樂讓每至平陽輒主  
其家敬叩太宜人起居尤歎其福澤之盛為莫能企  
也蓋楊氏世居平陽江南鄉自愚慶王父贈奉直公  
以來累葉以賢雄於鄉而樂善尚義沾溉鄉里琴溪

世丈光承世德益恢闋充擴之清望冠一時咸豐季年  
平陽會匪之變 丈治團捍寇江南諸鄉義民數十萬  
咸願受約束故當匪熾大張時姦民悍卒攘臂蓬起  
南破福鼎北犯郡城復圍瑞安窺泰順蔓延數縣而江  
南與匪巢錢倉相距數十里一江如帶獨屏息不敢犯  
比匪平他鄉多遭蹂躪惟江南安謐若不知有兵事者  
闔鄉咸感頌 丈德無異詞 泉 丈謝賓客邑人臚陳  
其功上之官又相與尸而祝之為崇建廟宇今所謂楊  
公祠者也 太宜人甫笄歸 丈為遙室上奉威姑極  
溫清甘旨之養事 女君陳太宜人敬禮無間言雖生

長農家而姿性端婉嫻習禮法 丈素好客比治團  
益傾家犒士健兒俠客廣集門下 太宜人佐 陳太  
宜人主中饋董治饌具殺醴豐潔舉凡米鹽凌襍  
咸躬自綜理未嘗有倦容又雅好施與遇族戚有貧  
乏者必多方周給之而自奉絕簡樸平居服御不過  
縵繒浣布擯却華飾遇婢僕以息人未嘗見其有疾  
言遽色益其被服儉約率履仁厚固天性然也 太  
宜人舉丈夫子三愚屢舉其伯兄筱溪典簿季弟筠  
坪明經咸克秉義方之訓以高文邃學馳譽輿序  
文孫六人而筠坪令嗣子閻為長以妙年俊才舉己丑

浙江鄉試為名孝廉餘皆英姿卓犖克承家業兩曾  
孫亦皆瑤環瑜珥恂恂向學家門蔚盛吾鄉殆無其  
倫比蓋太宜人早侍高賢晚膺備福子姓之美慶  
綿四葉歸楊氏數十年履豐蹈和未嘗有毫髮之不  
豫迄今年逾八豔而枕肱康愉神明不衰前卿所謂  
美意延年者斯其左契歟抑讓又嘗稽覽昭代掌  
故恭聞高宗純皇帝八旬萬壽詔舉行千宴宴各  
行省以耆壽應詔年躋百齡者近習人曠代人瑞光  
昭冊府今者太宜人設悅之辰適當皇太后訓  
政之初錫類引年方長未艾他日者宣仁聖壽宗

開慶典 朝廷儻咨討故事推恩宇內壽女則夫  
以期頤之曼齡膺滂淫之寵錫者吾鄉壽母非太宜  
人孰克當之讓雖不文尚樂濡毫續紀之矣謹序

附錄項甲甫戶部

恭祝棟園先生暨  
林儒人五旬雙壽

國家以制科取士士之乘時自

奮獵取榮譽者有所謂帖括之學謝然自命為專門業出  
其鴻祕開門講授規摹矩疊一切經籍悉束閣不省覽二  
皆年來師以是教弟以是承錮聰蔽明以釀成空疏迂陋  
之習而時文一道遂為近人所詬病互市以來見聞日擴  
學術益歧株守者既拘墟不適於用而博涉之士復限  
於所遇不能見用於世而又不欲託空言以自見此有志

者所為撫時而太息者也。 媿丈棟園先生少以制執名試  
輒高等每歲科榜出羣從子弟佈滿前列皆君所指授  
也然獨屢薦不售僅以食餼年資貢成均猶子叔林既  
拔甲科登侍從君子多園茂材亦以文字有聲庠序而  
君猶褐衣應舉不少輟君於試雖屢躓然絕不介意余  
師萬載湯紹卿先生嘗評君所為自叙小傳有云君以  
東甌雅士屢踏省門未離席帽而為人曠達絕不一吐  
牢騷良由一家讀書自有真樂其所得亦概可知矣非  
虛語也性好遊尤喜為詩嘗欲東窮鴨綠西北踰崑崙  
東西南涉臺厦以迄緬甸皆紀之以詩又欲遊歷五木洲

條其人民風土政治筆之於書皆以事未果而旁近山水  
如仙巖孤嶼以及婺括台甬嚴陵鑑湖姑蘇諸名勝  
遊履殆遍又嘗省其從兄猶子於江右溯江浮彭蠡煙  
巒迴沓風檣瞬息又遊貴溪天冠山餘干東山緬懷古  
蹟徘徊久之所為詩暨友人投贈諸作具存篋中所  
謂花信樓詩藁及翰墨因緣錄是也間為樂府纏綿  
排恻具有宋元人遺意性不飲茶而頗喜酒嘗自言撫  
時論事感慨無聊一寄之於詩俯仰悲歌婉曲諷諭一  
寄之於樂府胸懷塊磊憤懣不平一寄之於酒蓋君雖  
於遇合之際無所介意而意氣所發摠有不能自己者其

善於自寄如此君雖阨於遇而於邑中善事未嘗不措  
意歲庚寅永邑海濱饑君勿貲往賑文廟樂器久廢君  
又與同志醵貲仿製按譜演習他如團防禦火嬰堂社倉  
農學之類無不與然以經費絀所措施不能盡如君指  
君遂不復言故世亦無知君者君又嘗究心泰西汽機  
製造諸學皆涉獵得門徑每謂無窮新理轉為彼族所  
得中華智士反自視不如中外人材消長之機實係於  
此誠非無所見而云然也余嘗與同志約購繙譯各書  
究其旨趣倡導後學應者寥寥數人君亦與焉錢  
塘吳蔗農去令序君之文謂君於學無門不入無入不

精既見時尚所亟遂留心於西學然世之知君者但以  
制舉業相推尚要未有能盡君者蓋君之兼長為文  
名所掩又如此夫制舉之徒之所以不足重者以其於制  
舉之外一無所知也然近世浮薄之輩往往肆意放言  
鄙夷不屑而學術益不可問若君之才使得早達則疆  
域之學術之廣恣其遊覽博涉其經畫當有可觀而乃  
限於所遇徒使優游里閭與二三及門講論制舉之學  
此固非君之素志然以視浮薄之徒故為高論以自炫  
而自便者其高下為何如也元配林孺人治家勤儉  
君遠遊適館內政賴其主持妯娌中亦無間言今歲仲

冬六日為君五旬初慶門下士將舉觴為壽而以侑觴之  
文相屬余知君稔故略述其生平然君方當服官政之  
年揆諸古人晚達之期亦未為老他日耄耋期頤其成就  
當有不止此者然則余之所以為君祝者又豈在區區  
文字遇合已哉是為序

廿五日陰酷寒朝閱新聞報李彬臣表兄來留午餐  
小飲又被酒假寐半日更初訪鄭一山談論頗久歸閱  
新聞報其夜子時微雨

廿六日陰天氣嚴寒朝伍寶滋表弟來夕李雲林表弟  
來宵初米雪敲簷丁丁作響冒冷過伍鳳樓表伯家託

討卷冊諸費見壁上懸一幅墨菊上題七言四句云不惜  
金錢買冶容移根應向館娃宮西風冷落三秋後故國  
繁華一笑中末款青藤子徐渭圖印一方惟紙成黝色  
差近古耳余心愛而乞之未果坐談良久歸

廿七日朝陰李麗生表弟過訪遣僕往李凡處乞還  
前日詠雪詩門人延曙夾送祀竈詩改閱夕晴鄭一山兄  
來說玉尺書院官課已揭曉余前作二篇均入彀聞之  
心甚喜申後震軒妹丈遣人送來賀生子玉霄伍鳳樓  
表伯來過田東青伯玉君表弟處一譚

廿八日陰雨朝穉菊表弟來過余托潘雨臣說錢糧辦

錄事鶴坡舅父過舍夕解拆賬務項篆仙來薄暮一  
山兄遷往禮房處領玉尺課卷見遺卷中有題府學生  
賀孫詒械名者詒械是門人李芄名械械二字形似而  
音異余心恨其人行近鬼域於孔方兄中討生活故粘合  
其名僥倖以求益者也即面託禮房將此卷袖歸宵過  
毓卿處一談作和韻七律一首

廿九日陰雨在家解拆賬務李彬臣表兄過訪作寄  
震軒妹丈函時家僕送年飯往丁田故便為帶去  
薄暮訪中閩公子袖前捐款鷹蛛廿翼還之宵大  
雨訪鄭君一山遷寫春聯辭以明日談良久轉過

毓卿家項篆仙先在坐話至三鼓

三十日雨朝鄭一山兄來書春聯偕至久大錢莊  
算膏伙款歸掃除神座懸祖先像夕推算子了結賬  
務統計終歲食用諸費所入不敷所出近年家中會  
指日增較去歲用溢數倍余素不諳世務祖遺田產  
薄有數畝惟賴慈母內持家道不致跌落語云上農  
會九次農食八中次食七下農會五余以一人筆耕鋤  
口硯田雖無惡歲而蹄淡勺水蓄積無多奈行如之震  
軒妹丈來函云云有數倍之丁即有數倍之財信斯言  
也亦何往而不

亦亦何往而不



之戒而已  
宵過金文與帽鋪一坐張翼臣木筱僊先在其夜大  
雨徹旦余于歲至五鼓始寢

溫州

有

國

溫州府 府 府 府

+

Handwritten marks at the bottom left corner.